

Երեսնամյա այսպիսին

ՄԱՅՐ ԱԹՈՒՍ ՍՈՒՐԲ ԷԶՍԻԱՃՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ

Ամենայն Հայոց Կաթողիկոսն ընդունեց

Արմավիրի թեմի քահանաներին

Օգոստոսի 12-ին Ն. Ս. Ս. Ս. Գարեգին Երկրորդ Շայրագույն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնի «Վաչե եւ Թամար Մանուկյան» մատենադարանում ընդունեց Արմավիրի թեմում սպասավորող քահանաներին՝ գլխավորությամբ Արմավիրի թեմի առաջնորդ Սիոն արք. Ադամյանի:

քաղաքի ղուրս բերումը հանրակրթական դպրոցից:

Ձեկույցի վերաբերյալ տեղի ունեցան քննարկումներ, որի ընթացքում Ամենայն Հայոց Կաթողիկոսը նույնպես պատասխանեց քահանաների հարցերին՝ հույժ կարեւոր նկատելով հոգեւորականության դերակատարությունը քրիստոնեական եւ ազգային արժեհամակար-



Հանդիպումն սկսվեց Տերունական աղոթքով, որից հետո սրբազան հայրը, հայցելով Նորին Սրբության օրհնությունը, իր ուրախությունը հայտնեց Մայր Աթոռ կատարած այցի առիթով: Սիոն սրբազանն իր խոսքում հաստատեց, որ թեմի հոգեւորականաց դասը համավարակի դժվարին պայմաններում շարունակում է իրականացնել իր հոգեխնամ առաքելությունը: Սրբազանը նաեւ իր խորին երախտագիտությունն արտահայտեց Հայոց Հոգևորականության համավարակի պայմաններում թեմի սոցիալապես անապահով ընտանիքներին ցուցաբերած նյութական աջակցության համար:

Հանդիպմանը Հանրակրթության պետական չափորոշիչի եւ առարկայական չափորոշիչների, դրանցում առկա խնդիրների, մարտահրավերների եւ արտահայտված մտահոգությունների մասին զեկույց ներկայացրեց Մայր Աթոռ Սուրբ Էջմիածնի քրիստոնեական դաստիարակության կենտրոնի տնօրեն Զաքարիա Ժ. վրդ. Բաղդույանը՝ մեկ անգամ եւս հաստատելով Մայր Աթոռի դիրքորոշումներն այս հարցերի վերաբերյալ: Հայր սուրբը շեշտեց, որ կրթական բարեփոխումները պետք է միտված լինեն ազգային ինքնությանը, հոգեւոր-ազգային արժեհամակարգով, բարոյական նկարագրով եւ ժամանակակից մարտահրավերներին համահունչ քաղաքացու կերտմանը՝ ի շահ հայոց պետության զորացման եւ շարունակականության: Հայր Զաքարիան մասնավոր անդրադարձ կատարեց նաեւ «Հայոց Եկեղեցու պատմություն» առարկային՝ նշելով, որ անընդունելի է առարկայի՝ որպես առանձին

գի կերտման ու պահպանման գործում:

Այնուհետեւ «Եկեղեցու սոցիալական ծառայության դերը հովվական առաքելության մեջ» թեմայով բանախոսեց Մայր Աթոռի սոցիալական ծառայության կենտրոնի տնօրեն Մարկոս քն. Մանգասարյանը՝ ներկայացնելով նաեւ համավարակի պայմաններում Մայր Աթոռի կողմից իրականացված սոցիալական միջոցառումները: Բանախոսությանը հաջորդած քննարկումների ընթացքում կարեւորվեց հոգեւորականների կողմից սոցիալական ծառայության իրականացումը հասարակական կյանքի տարբեր ոլորտներում:

Վերջում Գարեգին Երկրորդ Ամենայն Հայոց Հայրապետն իր գնահատմանը ու հայրական օրհնությունը բերեց Արմավիրի թեմի քահանայից դասին՝ իրենց նվիրյալ ծառայությունը հանձնառությամբ եւ պատասխանատվությամբ իրականացնելու համար: Նորին Սրբությունն ընդգծեց, որ յուրաքանչյուր հոգեւորական պատասխանատվություն է կրում երկրի անվտանգության, ժողովրդի կրթության, բարոյության, առաջընթացի եւ պետության զորացման գործում: Հայոց Հոգևորականությանը հորդորեց եկեղեցականներին իրենց առաքելության մեջ լինել քաջ, համարձակ, համբերատար եւ նախանձախնդրությամբ պաշտպանել հոգեւոր ու ազգային արժեքները:

Հանդիպումը եզրափակվեց Պահպանիչ աղոթքով:

Առաջիկայում եւս Մայր Աթոռ Սուրբ Էջմիածնում նախատեսվում են նմանօրինակ հանդիպումներ հայաստանյան թեմերի հոգեւորականաց դասի հետ:

Արագածոտնի թեմի քահանաներին

Օգոստոսի 14-ին Ն. Ս. Ս. Ս. Գարեգին Երկրորդ Շայրագույն Պատրիարք եւ Ամենայն Հայոց Կաթողիկոսն ընդունեց Արագածոտնի թեմի քահանայից դասին՝ առաջնորդությամբ Արագածոտնի թեմի առաջնորդ Սկրտիչ եպս Պռոշյանի:

Տերունական աղոթքից հետո «Հայաստանի կրոնական փոքրամասնությունների առանձնահատկությունները» թեմայով բանախոսեց Մայր Աթոռ Ս. Էջմիածնի միջեկեղեցական հարաբերությունների բաժնի տնօրեն Շահե Ժ. վրդ. Ամանյանը: Հայր սուրբը ներկայացրեց Հայաստանում գործող կրոնական կազմակերպությունների գործունեությունը եւ դրանց նկատմամբ Մայր Աթոռի որդեգրած մոտեցումները: Քննարկումների ընթացքում հայր Շահեն անդրադարձավ նաեւ Հայ Եկեղեցու եւ ավանդական մյուս Եկեղեցիների միջեւ ձեւավորված միջկրոնական, ծիսական փոխհարաբերություններին ու առկա խնդիրներին:

Այնուհետեւ հանդիպմանը հանրակրթության պետական չափորոշիչի

որ անընդունելի է առարկայի՝ որպես առանձին քաղաքի ղուրս բերումը հանրակրթական դպրոցից:

Ձեկույցից հետո տեղի ունեցան քննարկումների ժամանակ Նորին Սրբությունը, պատասխանելով քահանաների հարցերին, կարեւոր համարեց Եկեղեցու եւ հոգեւորականների դերակատարությունը սերունդների կրթական-դաստիարակչական գործում՝ ընդգծելով յուրաքանչյուր հոգեւորականի անշահախնդիր ծառայության կարեւորությունը համայնքներում:

Իրենց հերթին քահանա հայրերը Հայոց Հայրապետին տեղեկություններ փոխանցեցին իրենց համայնքներում ծավալած գործունեության եւ իրականացվող ծրագրերի մասին:

Վերջում Ամենայն Հայոց Կաթողիկոսն իր գնահատմանը հայտնեց թեմի քահանայից դասին՝ իրենց հովվական ծառայությունն անմնացորդ նվիրումով իրականացնելու համար: Վեհափառ Հայրապետը կարեւորեց ծխական համայնքների ձեւավորումը՝ ի նպաստ հոգեւոր կյանքի առավել զարգացման



եւ առարկայական չափորոշիչների, դրանցում առկա խնդիրների, մարտահրավերների եւ արտահայտված մտահոգությունների մասին զեկույց ներկայացրեց Մայր Աթոռ Ս. Էջմիածնի քրիստոնեական դաստիարակության կենտրոնի տնօրեն Զաքարիա Ժ. վրդ. Բաղդույանը՝ մեկ անգամ եւս հաստատելով Մայր Աթոռի դիրքորոշումներն այս հարցերի վերաբերյալ: Հայր Զաքարիան մասնավոր անդրադարձ կատարեց նաեւ «Հայոց Եկեղեցու պատմություն» առարկային՝ նշելով,

ու Եկեղեցու առաքելության առավել արդյունավետում: Նորին Սրբությունը նաեւ իր գնահատմանը փոխանցեց Սկրտիչ սրբազանին՝ թեմի հոգեւոր կյանքի առաջընթացին ուղղված ջանքերի աշխատանքի ու անսպառ եռանդի համար:

Հայոց Հոգևորականությանը հորդորեց նույն ջանասիրությամբ ու նախանձախնդրությամբ շարունակել իրենց ծառայությունը հանուն հայ ժողովրդի բարոյության եւ հայրենի երկրի պայծառացման ու զորացման:

Գերագույն հոգեւոր խորհրդի ժողով Մայր Աթոռ Սուրբ Էջմիածնում

Օգոստոսի 11-ին եւ 13-ին Մայր Աթոռ Սուրբ Էջմիածնում, նախագահությամբ Ն. Ս. Օ. Ս. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի, տեղի ունեցավ Գերագույն հոգեւոր խորհրդի ժողով:

Մինչ ժողովի օրակարգային հարցերի քննարկումը ժողովականներն իրենց աղոթքը բարձրացրեցին Լիբանանում պայթյունի հետեւանքով զոհված անձանց, այդ թվում եւ հայորդիների համար՝ վշտակցություն հայտնելով նրանց հարազատներին, զորակցություն՝ Լիբանանի ժողովրդին: Այս կապակցությամբ տեղեկացվեց, որ Ամենայն Հայոց Կաթողիկոսը մշտական կապի մեջ է եղել Ն. Ս. Օ. Ս. Տ. Արամ Ա Մեծի Տանն Կիլիկիո Կաթողիկոսի հետ՝ տեղեկանալու տիրող իրավիճակին եւ հայ համայնքում առկա կարիքներին: Ի զորակցություն տեղի հայ համայնքի՝ Մայր Աթոռ Սուրբ Էջմիածնի կողմից Մեծի Տանն Կիլիկիո Կաթողիկոսությանը փոխանցվել է 100.000 ԱՄՆ դոլար:

Ժողովի օրակարգում ընդգրկված էին Եկեղեցու թեմական, կրթական, սոցիալական եւ եկեղեցաշինական ծրագրերին վերաբերող, հայրենական-ազգային կյանքի զանազան խնդիրներին առնչվող հարցեր: Ժողովի նիստերն ատենապետեց Մայր Աթոռ Սուրբ Էջմիածնի դիվանապետ Արշակ եպս Խաչատրյանը:

Գերագույն հոգեւոր խորհուրդն անդրադարձ կատարեց հուլիս ամսին Տավուշի մարզում՝ հայ-ադրբեջանական սահմանին ծավալված ռազմական գործողություններին, դրանց հետեւանքով սահմանամերձ



բնակավայրերին հասցված վնասներին, ինչպես նաեւ այս կապակցությամբ տարբեր երկրներում հայ եւ ադրբեջանական համայնքների միջեւ տեղի ունեցած բախումներին: Այս մասին զեկույց ներկայացրեց Տավուշի թեմի առաջնորդ Բագրատ եպս Գալստամյանը: Սրբազանը տեղեկացրեց այդ օրերին թեմի հոգեւոր դասի մատուցած ծառայությունների մասին՝ երախտագիտությամբ արձանագրելով այդ օրերին Հայոց Հովվապետի մշտական հոգածությունը եւ ուշադրությունը: Առաջնորդը նաեւ ներկայացրեց ռազմական բախումների հետեւանքով բնակչության շրջանում առաջացած կենցաղային եւ նյութական խնդիրները, ինչպես նաեւ դրանց լուծմանն ուղղված ծրագրերը:

Ժողովը դատապարտեց Ադրբեջանի զինված ուժերի կողմից Հայաստանի Հանրապետության հանդեպ սանձազերծված պատերազմական սադրիչ գործողությունները՝ կարեւորելով այս առնչությամբ միջազգային հանրության գնահատականները եւ ԵԱՀԿ Մինսկի խմբի համամախազահող երկրների ջանքերը:

Ամենայն Հայոց Հայրապետն իր գնահատանքը փոխանցեց թեմակալ առաջնորդին եւ թեմի հոգեւորականաց դասին՝ ջանադիր ծառայությամբ հայոց բանակին եւ սահմանամերձ համայնքների ազգաբնակչու-

թյանը զորավիզ եւ նեցուկ լինելու համար: ԳՀԽ անդամները եւս գոհունակություն հայտնեցին այդ ժամանակահատվածում թե՛ Տավուշում եւ թե՛ Սփյուռքի տարբեր համայնքներում հայ եկեղեցականների իրականացրած կարեւոր առաքելության առնչությամբ:

Մասնավոր քննության առարկա դարձան Վիրահայոց թեմի Զավախքի շրջանում հայ համայնքում վերջին օրերին տեղ գտած անցանկալի զարգացումները: ԳՀԽ անդամները ցավ հայտնեցին կատարվածի առնչությամբ՝ կոչ անելով ջախսահայությանը պահպանել միասնության ոգին: Ընդգծվեց Զավախքի փոխառաջնորդության հոգեւոր դասի հետեւողական ջանքերի անհրաժեշտությունը՝ ի խնդիր համայնքում համերաշխության եւ խաղաղության վերականգնման:

Գերագույն հոգեւոր խորհուրդն անդրադարձ կատարեց նաեւ ԿԳՄՍ նախարարության կողմից հրապարակված հանրակրթության պետական չափորոշիչի եւ հանրակրթական պետական առարկայական չափորոշիչների նախագծերի շուրջ արտահայտված հանրային բազմաբնույթ մտահոգություններին:

Նյութի առնչությամբ զեկույց ներկայացրեց Հայաստանի Հանրապետության եւ Հայաստանյայց Առաքելական Սուրբ Եկեղեցու հարաբերություններին առնչվող հարցերով աշխատանքային խմբի՝ Մայր Աթոռ Ս. Էջմիածնի կրթական հարցերով ենթախմբի ատենապետ Միքայել արք. Աջապահյանը:

Շարունակությունը՝ էջ 3

Սուրբ Աստվածածնի Վերափոխման տոնը Մայր Աթոռ Սուրբ Էջմիածնում

Օգոստոսի 16-ին Հայաստանյայց Առաքելական Սուրբ Եկեղեցին նշեց Տիրամոր՝ Սուրբ Մարիամ Աստվածածնի Վերափոխման տոնը: Բերկրառատ օրվա առիթով

սար ենք, սակայն տարբեր է մեր առաքելությունը՝ ուսուցանել, քարոզել, ստեղծել, կոչել, բժշկել, դեկավարել, որից չպետք է շեղվենք՝ գայթակղվելով փառասիրու-

ինչ հնարավորություն ունենք: Խոնարհենք մեր հայացքը՝ մտքի աչքերն առ Աստված ուղղելով: Հնազանդեցնենք մեր կամքը՝ բարին, օգտակարը, ճշմարիտը կատա-

պիտի պարգևի եւ իրականություն դարձնի բոլոր աղոթքներն ու հայցվածները:

Սրբազան հայոց խոսեց նաեւ Հայոց Եկեղեցում կատարվող խաղողորհների



Մայր Աթոռ Ս. Էջմիածնի Սուրբ Տրդատի բաց խորանին մատուցվեց Պատարագ: Պատարագիչն էր Մայր Աթոռի վարչատնտեսական բաժնի տնօրեն Մուշեղ եպս Բաբայանը:

Սրբազան արարողությանը ներկա էին Արմավիրի մարզպետ Համբարձում Մաթևոսյանը եւ Էջմիածնի քաղաքապետ Դիանա Գասպարյանը:

Պատարագիչ սրբազանը, ներկայացնելով տոնի խորհուրդը, ընդգծեց, որ դեռատի օրիորդ Մարիամն իր կամքը հնազանդեցրեց Տիրոջ հորդորին, եւ երբ ժամանակը եկավ, դարձավ Աստվածամայր, լույս աշխարհի բերեց մարդկության Փրկչին՝ կրելով բոլոր դժվարությունները, եւ յոթ վերքերը չսպիացած՝ ապրեց մեր փրկության համար իր Զավակի խաչ բարձրանալու առաքելության գիտակցումով:

«Մարդկային կյանքը գեղեցկանում եւ իմաստ է ստանում հիշողություններով՝ բարի, արժանավայել կյանքի եւ գործերի մասին վերապրումով: Աստվածապարզել կյանքը երկրային բարիքների վայելքը չէ միայն, այլ դրանք ստեղծելու եւ բացառապես ի բարիս գործածելու կարողությունն ու կամքը: Աստծու առաջ ամենքս հավա-



թյամբ, հպարտությամբ, արծաթսիրությամբ: Մաքուր պահենք մեր սրտերը եւ մեր աղոթքները, խնդրանքներն ու հայցվածները Նրան ուղղելիս չփորձենք «զմտաւ ածել», որ առավելության դույզ-

րելու եւ լավը դառնալու հաստատուն համոզումով», - ասաց Մուշեղ եպիսկոպոսը՝ հաստատելով, որ զորությունների Տերը՝ Արարիչն ամենայն շնչավորների ու անշունչների, խաղաղ սրտի իղծերին կյանք

նշանակության մասին՝ ի մասնավորի անրագրելով. «Մենք՝ քրիստոնյաներս, որպես տարվա բերքի խորհրդանիշ, օրհնելու նպատակով ընտրեցինք խաղողը, քանի որ մեր Տերը՝ Հիսուս Քրիստոս, խաղողի որթը պատվեց՝ հայտարարելով, թե «Ես եմ ճշմարիտ որթատունկը» (Հովհաննես ԺԵ 1): Այդ որթատունկի պտղի՝ խաղողի հյութն էր, որ Հիսուս օրհնեց «որպես Նոր Ուխտի» Իր արյուն (Մատթ. ԻԶ 28), որով մենք գնվեցինք ու ազատվեցինք մեղքերի ծառայությունից ու մահից եւ նոր կյանք ստացանք»:

Վերջում Մուշեղ սրբազանը հորդորեց ամենքին ապրել սուրբ Աստվածածնի բարեխոսությամբ ու հայցվածով, շարունակել հավատալ եւ հուսալ, սիրել հայրենի երկիրն ու մեկս մեկու եւ խնդրել «Փառավորյալ եւ օրհնյալ միշտ Սուրբ Կույս Աստվածածին Մարիամ՝ մայր Քրիստոսի, մատուցիր մեր աղաչանքները քո Որդուն եւ մեր Աստծուն»:

Հավարտ Պատարագի, հանդիսապետությամբ Գարեգին Երկրորդ Ամենայն Հայոց Հայրապետի, Սուրբ Տրդատի բաց խորանին կատարվեց «Խաղողորհների» հանդիսավոր կարգը:

Օրհնված խաղողի ողկույզները բաժանվեցին հավատավոր ժողովրդին:

Լուսավորչաճիւն Մայր Աթոռի 125-րդ գահակալը

Նվիրվում է Խրիմյան Հայրիկի ծննդյան 200-ամյակին



Գործ՝ Վ. Նուրսիանցի

Սկիզբը՝ թիվ 15

1868 թ. հոկտեմբերի 20-ին Մայր Աթոռ Սուրբ Էջմիածնում Գեորգ Դ Կոստանդնուպոլսեցի կաթողիկոսը Խրիմյան Հայրիկին ձեռնադրում է օծում է եպիսկոպոս: Ամսափման ակնածանք վայելող եւ սիրված Հայոց Հայրիկը 1869 թ. սեպտեմբերի 4-ին ընտրվում է Կ. Պոլսի հայոց պատրիարք: Խրիմյանի պատրիարքության քառամյա ժամանակաշրջանը թե՛ պայքարի տարիներ էին: Հենց այդ շրջանի հայամապատ գործունեության դրսևորում էր նրա ծավալած պայքարը Պոլսու եպիսկոպոս Մելիքյանի դեմ, որը դեռևս 1860-ականներից կեղեքում էր ժողովրդին: Իր արժանավոր սան Գարեգին Սրվանձտյանցի միջոցով պատրիարք Խրիմյանին հաջողվում է «պողոսյան—պողոսյան» պայքարը հասցնել ընդդիմադիր «պողոսյանների» համար հաղթական ավարտի եւ Բ. Դռան թաքրի-

րով (կառավարական ծանուցագիր) 1872 թ. նրան հեռացնել Վասպուրականի հոգեւոր առաջնորդի պաշտոնից: Պատրիարքական շրջանի Խրիմյանի ամենակարեւոր գործը եղավ գավառական հարստահարություններն ուսումնասիրող հանձնաժողովի ստեղծումը 1870 թ. նոյեմբերի 27-ին: «Հանձնախումբը» բաղկացած էր 9 անդամից. չորսը՝ հոգեւորական, հինգը՝ աշխարհական: Հանձնախմբի նախագահը Ներսես Վարժապետյանն էր: Պատրիարքի հատուկ շրջաբերականով հանձնախումբն օժտվեց լիազորություններով, կապ հաստատեց գավառների հետ՝ իրավիճակի ճշգրիտ պատկերը ներկայացնելու համար: 1872 թ. ապրիլի 12-ին գավառական հարստահարությունների տեղեկագիրը հանձնվեց Բ. Դռանը: Դա, փաստորեն, Հայկական հարցի սկզբնավորման նախնական փուլն էր, որը սերտ առնչվում էր նրա երկու գլխավոր գործիչների՝ Սկրտիչ Խրիմյանի եւ Ներսես Վարժապետյանի հետ: Ազգային սահմանադրության վերաքննության համար ծավալված անպտուղ վեճերը, էֆենդիական դասի դիմակայությունը ստիպեցին պատրիարքին 1873 թ. օգոստոսին հրաժարական ներկայացնել Ազգային ժողովին: Դա ժողովրդական ուժերի պարտությունն էր: 1873 թ. պատրիարք Խրիմյանը հանդես եկավ հրաժարական ճառով («Խօսք հրաժարման Խրիմեան Ս. պատրիարքի հայոց յատենի րեւսփոխանական ժողովոյ ի ԿԴ-երորդ նիստի յ3 օգոստոս, 1873»)՝ գրելով, որ իր հրաժարման պատճառը թախինքն ու հուսահատությունն են. ինքը եկավ գործելու համար, բայց ոչինչ չկարողացավ անել:

Հրաժարված պատրիարքը որոշ ժամանակ ապրեց Կ. Պոլսում: Թվում էր, թե Խրիմյանը հեռացել էր ազգային-հասարակական գործունեության ասպարեզից եւ Գուգլունձուք թաղամասի իր բնակարանում «լուռ ու մուս» զբաղվում էր գրական գործունեությամբ: Բայց դա սոսկ երեւութական էր: Անհանգիստ Խրիմյանն ակնդետ հետեւում էր Ազգային ժողովի նիստերին

եւ կայսրության մեջ խմորվող իրադարձություններին:

1876 թ. դեկտեմբերի 1-ին, նախօրոք մշակված սադրանքով, հրկիզվեց Վանի վաճառաշահ շուկան՝ ավելի քան 500 խանութներով, որոնց տները հայեր էին: Մի գիշերվա ընթացքում շեն ու աշխույժ շուկան ոչնչացավ: Հրդեհի կիսատ թողած գործն ավարտեցին թուրք ու քուրդ խաժամուժը, ոստիկաններն ու զինվորները: Հարազատ քաղաքի ողբերգության լուրը ցնցեց Խրիմյանին: Մի ամիս չանցած՝ հոգեկան ծանր խռովքից ժայթքեց Խրիմյանի հոգու հրաբուխը, լույս տեսավ «Վանագոյժ»-ը՝ ողբի, բողոքի ու ցասման ուժգին արտահայտությունը: Խրիմյանը մեղադրում էր իր հայրենակիցներին չափից ավելի հնազանդ լինելու մեջ:

«Վանագոյժ»-ի տրամաբանական շարունակությունը եղավ «Հայգոյժ»-ը, որն արձագանքն էր 1877–1878 թթ. ռուս-թուրքական պատերազմի ժամանակ Շեյխ Ջալալեդդին

հնչեցնում հեղինակը, ահազանգում, պայքարի կոչում ժողովրդին. «Մեր նախնի քաջեր եկեղեցու եւ Հայրենեաց ազատութիւն մահով եւ արիւնով գնեցին: Միթէ դու ցանկալի ազատութիւն առանց զոհի եւ արեան՝ ծրի՛ ստանալ կուզես»:

1877–1878 թթ. ռուս-թուրքական պատերազմում ռուսական զորքերի հաղթանակը նոր հույսեր է արթնացնում հայության սրտերում: Խրիմյանի նախաձեռնությամբ Կ. Պոլսի բարձրաստիճան հոգեւորականությունը դիմում է Կ. Պոլսի պատրիարք Ներսես Վարժապետյանին՝ ռուսական դիվանագիտական եւ ռազմական ղեկավար գործիչների հետ Հայկական հարցը քննարկելու խնդրանքով: Խրիմյանին է վերապահվում Բեռլինի վեհաժողովում արեւմտահայության ինքնավարության ծրագիրը մեծ տերություններին ներկայացնելու գործը: 1878 թ. մարտից հայկական պատվիրակության ղեկավար Խրիմյանը թարգմանիչ եւ քարտուղար Մինաս Չերազի հետ այցելում



1893 թ., սեպտեմբերի 26, Խրիմյան Հայրիկի օծումը

նի կողմից Ալաշկերտի դաշտի հայ բնակչության սահմնելուցից կոտորածների: Ամռունչ մորթվելու փոխարեն Խրիմյանը պահանջում էր ձեռք բերել «խեթկիչ եղջյուր» եւ ցուլի նման ոգորել բռնակալների դեմ: Ազգային ինքնագիտակցության եւ մարդկային արժանապատվության կոչ էր

է եվրոպական մեծ տերությունների արտաքին գործոց նախարարներին, բազմաթիվ հանդիպումներ ունենում տարաստիճան գործիչների հետ, նրանց ներկայացնում հայ ժողովրդի ծանր կացությունը եւ առաջարկներն ու պահանջները:

Շարունակությունը՝ էջ 6

Գերագույն հոգեւոր խորհրդի ժողով Մայր Աթոռ Սուրբ Էջմիածնում

Սկիզբը՝ էջ 2

Սրբազան արձանագրեց, որ հակառակ ԿԳՄՍ նախարարության հետ ձեռք բերված նախնական պայմանավորվածությունների՝ Հայոց եկեղեցին գործնականում որեւէ կերպ չի ընդգրկվել չափորոշիչների մշակման գործընթացում: Ավելին՝ հրապարակված չափորոշիչներում նվազեցված են հայագիտական առարկաների դասաժամերը, թույլ են տրված բովանդակային աղճատումներ եւ ժամանակագրական սխալներ: Չնայած բազմաթիվ հավաստիացումների ու պնդումների՝ տարրալուծման ճանապարհով դուրս է բերվել «Հայոց եկեղեցու պատմություն» առարկայի գերակշիռ մասը:

Տեղեկացվեց, որ հանրակրթության պետական չափորոշիչի վերաբերյալ առկա մտահոգությունները ենթախմբի կողմից 2020 թվականի հուլիսի 10-ի թվակիր նամակով փոխանցվել են ԿԳՄՍ նախարարությանը, որը, սակայն, առ այսօր մնացել է անպատասխան:

Գերագույն հոգեւոր խորհուրդը, իր համատնությունը հայտնելով չափորոշիչների նախագծերի վերաբերյալ Մայր Աթոռի կրթական հարցերով ենթախմբի արտահայտած դիրքորոշումներին, մտահոգություն հայտնեց ԿԳՄՍ նախարարության լիազոր մարմինների հետ գործակցության եւ կառուցողական երկխոսության բացակայության ամենջողությամբ: ԳՀԽ անդամներն արձանագրեցին, որ հիշյալ գործընթացի վերջնար-

դյունքի պատասխանատվությունը սոսկ պետական մարմիններին չէ, նաեւ համազգային բոլոր կառույցներին ու հաստատություններին է, քանի որ կրթական բարեփոխումները պետք է միտված լինեն ազգային ինքնությամբ, հոգեւոր-ազգային արժեքահամակարգը կրող քաղաքացու կերտմանը:

Ժողովին Մայր Աթոռ Սուրբ Էջմիածնի հոգեւոր-կրթական հաստատությունների ուսումնական գործընթացների մասին զեկույց ներկայացրեց Գեորգյան հոգեւոր ճեմարանի տեսուչ Մեսրոպ վրդ. Պարսամյանը:

Մասնավորապես քննարկվեցին հոգեւոր-կրթական բարձրագույն հաստատությունների ուսումնական ծրագրերը՝ միտված ժամանակի պահանջներին համահունչ հոգեւորականների նոր սերնդի կրթությանն ու դաստիարակությանը: Գերագույն հոգեւոր խորհուրդը կարեւորեց ապագա եկեղեցականների պատշաճ պատրաստությանն ուղղված ջանքերը՝ ընդգծելով, որ եկեղեցու առաքելության արդյունավետությունը մեծապես պայմանավորված է իր կրթական հաստատությունների պարզեամբ հունձքով:

Գերագույն հոգեւոր խորհուրդը նաեւ զեկույց լսեց Մայր տաճարի նորոգության ընթացքի վերաբերյալ: Մուշեղ եպս Բաբայանը ժողովականների ուշադրությանը ներկայացրեց կատարված աշխատանքները եւ առկա ռժկարությունները: Նշվեց, որ համավարակի տնտեսական ծանր հետևանքների պատճառով դանդաղել է նաեւ Մայր

տաճարի նորոգության համար հայրենիքում եւ սփյուռքում կազմակերպված համազգային հանգանակությունը:

Կարելու համարվեց, որ ջանքեր ներդրվեն Մայր տաճարի հիմնանորոգության աշխատանքները 2021 թվականին ավարտին հասցնելու համար:

ԳՀԽ անդամները գոհունակությամբ ընդունեցին ներկայացված զեկույցը՝ իրենց գնահատանքը հայտնելով աստվածահաճոյս առաքելությանն իրենց նպաստը բերած բոլոր բարեսեր անհատներին ու հաստատություններին:

Եկեղեցական կյանքի բարենորոգության հարցերի, մասնավորաբար՝ եկեղեցու անդամների կողմից հակաեկեղեցական գործողությունների շրջանակում կարգապահական կանոնների գործարկման մասին զեկույցով հանդես եկավ Մայր Աթոռ Ս. Էջմիածնի միջեկեղեցական հարաբերությունների բաժնի տնօրեն Շահե Ժ. վրդ. Ամանյանը: Հայր սուրբը համապարփակ անդրադարձ կատարեց Հայոց եկեղեցու կանոններին, որոնք առնչվում են եկեղեցական, կարգապահական, դավանաբանական հարցերին եւ կարգավորում ներեկեղեցական կյանքը:

Քննարկումների արդյունքում որոշվեց ստեղծել հանձնախումբ՝ եկեղեցու կանոնական եւ կարգապահական խնդիրներին առնչվող փաստաթղթի ստեղծման առաքելությամբ:

Համավարակի ընթացքում Մայր Աթոռ

Ս. Էջմիածնի եւ թեմերի կողմից հայրենիքում եւ սփյուռքի համայնքներում իրականացված սոցիալական աջակցության լայնածավալ ծրագրերի մասին զեկույց ներկայացրեց Մայր Աթոռի սոցիալական ծառայությունների գրասենյակի տնօրեն Մարկոս քնն. Մանգասարյանը: Տեղեկացվեց, որ համավարակի հետևանքների հաղթահարման ի նպաստ առ այսօր Մայր Աթոռի կողմից նախաձեռնված սոցիալական աջակցության, առողջապահական եւ կրթական ծրագրերի արժեքային համագումարը կազմել է 494 183 292 ՀՀ դրամ: Հայաստանում եւ Արցախում պարենային սննդի բաշխման ծրագրի շրջանակներում աջակցություն է ցուցաբերվել 69 724 անձին:

Ժողովականներն անդրադարձ կատարեցին համավարակի հետևանքով երկրում ստեղծված տնտեսական ծանր վիճակին եւ հավատավոր ժողովրդին օգնություն ցուցաբերելու ապագա ծրագրերին:

Ժողովն ամփոփվեց Նորին Սրբություն Գարեգին Երկրորդ Ամենայն Հայոց Կաթողիկոսի օրհնության խոսքով: Հայոց Հովվապետն իր գնահատանքը բերեց ժողովականներին՝ օգտաշատ քննարկումների համար, որոնք պիտի նպաստեն եկեղեցու առաքելության առավել արդյունավետմանը:

Լրատվական նյութերը՝
Մայր Աթոռ Ս. Էջմիածնի
տեղեկատվական համակարգի

ՅՆՈՐԱԿԱՆ ՏԵՐՅԱՆԸ

Տերյանի ծննդյան 135-ամյակի եւ մահվան 100-րդ տարելիցի առիթով



Գործ՝ Ա. Բեքարյանի

Ակիբը՝ թիվ 2–15

ԺԲ. Տերյան եւ Չարենց

Տերյանը նախկինում եղել էր ՀԳԴ անդամ, հետո անդամագրվեց սպեցիֆիկներին, այնուհետեւ կոմունիստական կուսակցությանը եւ ազգությունների խորհուրդում պաշտոնյա էր, ամմիջական շփումների մեջ էր Լենինի, Ստալինի եւ մյուսների հետ: Եթե ապրեր, վստահորեն հրաժեշտ կտար մթնշաղի անուրջներին եւ նոր ժամանակների պահանջներին համապատասխան նոր պոեզիա կստեղծեր, մի բան, ինչի գաղափարախոսությունն արդեն իսկ կար նրա «Հայ գրականության գալիք օրը» գեկուցման մեջ, իսկ մարմնավորումը՝ վերջին տարիների բանաստեղծությունների: Դրանով իսկ կդառնար նոր ժամանակների

գրական առաջնորդը: Այստեղ մի ծավալուն միջարկում:

Տերյանը խորհրդապաշտական գրականության, գեղագիտության եւ տեսության համակարգի մեջ էր: Բայց լիմելով շրջահայաց եւ գրական զարգացումների հանդեպ զգայուն՝ ուներ իր գրական ժամանակի ամբողջական ընկալում եւ հետեւում էր նորություններին:

Կարդում էր ֆրոյդիստական գրականություն, ամսաթերթեր չէր ապագայապաշտների գործունեության հանդեպ: Մի տեղ գրում է. «Իսկ ես կարդում էի Պշիբիշենսկու «De profundis»-ը (III, 212): Ստանիսլավ Պշիբիշենսկին (1868–1927) լեհ գրող էր, «De profundis» վեպը սիրային մամակներով ֆրոյդիստական հոգեվերլուծական գրականություն էր (Վ. Պարսիզունին տվել է խուսափողական եւ հեռու բացատրություն. «...ունի վեպ՝ «Երկրի որդիներ», բայց հարցնող լինի, ինչ կապ ունի մեկը մյուսի հետ): Այս գրողի վեպերը դարձրեցին տարիքում Չարենցը եւս պիտի կարդար, արտացոլեր իր «Homo sapiens» չափածո նովելում, նաեւ մտապահեր, որ ավելի ուշ՝ 1927-ի առաջին օրերին, կնոջ մահվան անմիջական տպավորություններով բանտում գրեր «De profundis» պոեմն ու հետո այրեր:

Տերյանի աչքի առջև էին նաեւ ապագայապաշտները, որոնց հանդեսներից մեկին, ինչպես արդեն ակնարկել են, ներկա է եղել Պետրոգրադի «Ընթերցողական կենտրոն» սրճարանում: Այնպես որ, Տերյանը շարունակվում էր. մենք 1920-ականներին կունենայինք մի նոր

Տերյան, եթե վաղաժամ մահը չկտրեր նրա կյանքի ուղին:

Այն, ինչ չհասցրեց անել Տերյանը, արեց Չարենցը: Նա եկավ տերյանական աշխարհից, մտավ հեղափոխական տարերքի մեջ, գրեց «Սոմա», «Ամբոխները խելագարված» պոեմները, «Ողջակիզվող կրակ» շարքը, հետո դրանց ավելացրեց այլեւայլ գործեր եւ հռչակվեց հեղափոխության բանաստեղծ: Ոգեւորության ալիքը բարձրացավ մինչեւ 1924 թվականը, հետո եկավ խաղաղ տեղատվությունը՝ մինչեւ «Եպիքական լուսաբաց» (1930), իսկ դրանից հետո Չարենցն արդեն բացահայտ ընդդիմություն էր, ընդ որում՝ ոչ թե միայնակ, այլ իր գրական խմբակով (Բակունց, Մահարի, Արմեն):

Եթե Տերյանն ապրեր, նա եւս դառնալու էր ընդդիմություն, հռչակվելու էր ժողովրդի թշնամի եւ կամ գնդակահարվելու էր, կամ անհիշատակ կորչելու էր քստորավայրերում: Սա է նրանց քաղաքական գծի ընդհանրությունը: Հիմա անդրադառնամ մարդկային խառնվածքի եւ ստեղծագործական նկարագրի յուրահատկություններին:

Տերյանը խաղաղ նկարագիր էր, ձգտում էր խոսքի մեղմության, համդարտ ներգործության: Չարենցը պայթուցիկ էր, նրա խոսքի ուժականությունը՝ ենթագետիկան, շատ հզոր է: Նրանը ծայրահեղ սահմանն էր՝ խելագարություն, հրդեհ, զոհ, փոթորիկ, ուրագան...

Բոլոր բանաստեղծներն էլ ունեն իրենց անհատականության խորագույն գիտակցումը, իրենց նշանակության արժեքը: Չարենցն ինքն իրեն համարում էր իր ժողովրդի խորհրդանշաններից մեկը, ինչպես Արարատը, «Սասնա ծռեր» դյուցազներգությունը, Չվարթնոցը, մայրաքաղաք Անին, Մաշտոցը, Վարդան Մամիկոնյանը, Խորենացին, Նարեկացին, այդտեղից էլ իր անձի նշանակության շեշտադրումը Չեր նշած եւ բազմաթիվ այլ պոեմներում ու բանաստեղծություններում: Այսինքն՝ իրենով

Չարենցը ոչ թե իր անձն է մեծարում, այլ հայ ժողովրդի արթնացումը, բարձրացումը, զարգացումը, համաշխարհային քաղաքակրթության ոսկի երակը լինելու իրողությունը, հայոց հանճարի վառվող ուժը, մեծությունն ու ներկայանալիությունը:

Սա գրականության մեջ ընդունված գեղարվեստական հմար է, որ կիրառել են շատերը: Օրինակ՝ ամերիկյան գրականության հսկաներից Ուոլթ Ուիթմենն իր «Ինքնեզգանք» պոեմում իրենով փառաբանում է իր երկիր Ամերիկան:

Այս տեսակետից տարբեր են նաեւ Տերյանի ու Չարենցի հրաժեշտի խոսքերն աշխարհին: Տերյանի բանաստեղծությունը հիշեցիք: Իր մահվան գիտակցումն ուներ նաեւ Չարենցը: Նշանակում է՝ երկունս էլ ապրել են կյանքին վաղաժամ հրաժեշտ տալու ողբերգությունը (միջանկյալ կարող ենք հիշել Դուրյանին ու Սեծարենցին): Իսկ այդ հրաժեշտը յուրաքանչյուրի հոգում տարբեր էր. Տերյանն աննկատ մահ էր երագում (մահն էլ կերագնեմ)՝ ոչ ծաղիկ, ոչ խոսք, ոչ արցունք, լուրջում միմիայն: Չարենցն իր մահվամբ տեսնում էր մի ամբողջ քաղաքակրթության կործանումը: «Անվերնագիր» (15. XII. 1936) բանաստեղծությունն ավարտվում է այս տողով.

*Այն, որ են էի, որ իմն էր առաջ,
Արդեն չի հառնի եւ ոչ մի գրքում
Եվ ոչ մի գրքում՝ աշխարհում գրած,
Եվ ոչ մի գրքում, եւ ոչ մի գրքում...*

Սրանից չորս օր առաջ (11. XII. 1936) իր մահը տեսել էր նաեւ այսպես.

*Այլեւ ինչ մնաց քեզ՝ խնդրելու կյանքից,–
Օ՛, անհանգիստ իմ սիրտ ու անկարող...
Ախ, խոնջեցի միայն անեղբայական կարոտ,–
Խաղաղություն անխոս,– մահվան հանգիստ...
Շարունակությունը՝ էջ 7*

ՀՈՎՀԱՆՆԵՍ ԴՐԱՍԻԱՆԿԵՐՏՅՈՒ

«ՊԵՏՈՒԹԻՒՆ ՀԱՅՈՑ» ԵՐԿԻ ԴԱՉՎԱԾԲԵՆԻԸ

Ակիբը՝ թիվ 11–15

Մեր քննած բնագրում վկայված են նաեւ քառամյա դարձվածքներ, որոնք գրաբարյան երկերում այնքան էլ հաճախ չեն կիրառվում: Դրանք հիմնականում ի նախդիրի կիրառությամբ են ստեղծված, ինչպես՝ *դնել ուխտ ընդ մահու* (332) – պատրաստ լինել զոհաբերության, մեռնելու, *ի կալանս կապանաց արկանել* (130) – շղթայակապ անել, *կարծիս ի մտի դնել* (360) – կարծել, *կտուրն ի միմեանց լինել* (180) – իրարից անջատվել, երկպառակվել, *կործն առնել* (182) – լավ, լըռորեն մտածել, *հարց եւ փորձ առնել* (40) – հարցնել, հետաքրքրվել, *ծնոս ի գլուխ ելանել* (356) – գլխին տալ, փոշմանել, *մարտիս պատերազմի սրակոխ առնել* (354) – պատերազմում սրահարել, *ջան ի վերայ դնել* (94) – ջանալ, ջանք անել, ջանք թափել, *ջան ի մտի դնել* (358) – ջանալ, ջանք անել, ջանք թափել, *տնակոտորություն եւ հրացանությունս զեղել* (164) – ավերում եւ հրդեհներ սփռել եւ այլն: Բերենք քառաբաղադրիչ դարձվածային միավորների կիրառության բնագրային ուշագրավ օրինակներ եւս: Մեր ընտրած այս հատվածներում վկայված են նաեւ ոճական հարուստ բնութագիր ունեցող տարբեր այլ ԴԱ-ներ.

«Բայց բնակիչք ամրոցին Քեղեյա իբրեւ լուան գգալուստ ոստիկանին եւ՝ ի մտի եղին գլոյժ մռնռումն սպառնութեան առ՝ ի նմանէն նոցա, զահի հարելք եւ ահիւ ըմբռնելք եւ *կարծիս՝ ի մտի եղեալ* անհաստատ խորհրդով, թէ զուցէ մատնեսցի ամրոցն՝ ի ձեռն ոստիկանին եւ այնպէս անհնարին տանջանաց եւ մահու մատնեսցին» (360):

«Եւ վասն զի յետ ամաց բազմաց սպանաւ արքայն Լահ ոմն եկեալ յվանաց դրանէ եւ՝ *ի խնդիր ելեալ* գրով վկայիցն եւ գտեալ զնոսա՝ ի Ջրաբաշխն կոչեցեալ լեռին, եւ *հարց եւ փորձ*


առնեալ զնոսա վասն առ՝ ի Քրիստոս հաւատոցն՝ սուր՝ ի վերայ եղեալ կոտորէ՝» (40):

«Վասն որոյ ապա Հասանն խոհական իմացումով՝ ուշ ի կործն արարեալ եւ գիտացեալ ոչ այլ ինչ իւր փրկիլ նոցա յայնմանէ՝ (որ բացեալ երեւէր դուռն կորստեան) եւ կազդուրեալ ի կամս երկնաւոր այցելութեանն, խնդրէ յետ կար երդման յվիշնէ, զի տացէ նմա զամրոցն եւ առ՝ ի նմանէ զոցէ *աներկիւղութիւն արեան* եւ անենայն չար ամպրոպաց» (182):

«Իսկ իմ եկեալ առ մեն թագաւորն Գագիկ, եւ նա ընդունէր ածել եւ յանձանձէր զմեզ անենայն հոգեւոր սիրոյ հարազատութեամբ եւ հաստատուն հավատուն եւ աներկբայ յուսով, եւ աներկեւան սիրով պաշտպանեալ հանդերձ եղբարքն իւրով Գուրգենաւ՝ անկարօտ *զհարկաւոր պէտս* մարմնոյ *լցուցանէր*, եւ ապա զսովորական իմաստութիւնն *քաղցրացուցեալ* իւր աներկբայ *մտօք* յուսացուցանէր զմեզ, զի ոգով չափ ջան՝ *ի մտի եղեալ* հոգացի վասն դարձի մերոյ՝ ի բնակութիւնս մեր. մանաւանդ եթէ վասն խաղաղութեան անենայն աշխարհի եւ հաստատութեան սրբոյ եկեղեցեաց՝ որպէս եւ քրիստոնէից իսկ կարգը պահանջեն ամբողջ *զհաւատոցն սրբոց* պահել գորութիւն. այլ այս երբ Տէր կամեսցի» (360):

Խաչիկ Բաղիկյանը «Ժամանակակից հայերենի դարձվածային միավորները» աշխատության մեջ կատարել է ժամանակակից հայերենի իմաստային, քերականական դասակարգում եւ կառուցվածքային վերլուծություն: Հեղինակն ուսումնասիրություն կատարել է համաժամանակաշար մոտեցմամբ, սակայն ըստ ամիրաժեշտության՝ օգտվել է նաեւ միջին հայերենի եւ գրաբարի դարձվածքային միավորներից՝ օգտագործելով փաստական հարուստ նյութ: Հայերենի դարձվածքների վիճակագրական պատկերը նկարագրելիս Բաղիկյանը նշում է. «Ինչքան ավելանում է դարձվածի բաղադրիչների քանակը, այնքան պակասում է նման կառույցների թիվը» (Բաղիկյան Խ., *Ժամանակակից հայերենի դարձվածային միավորները*, Եր., 1986, էջ 206):

Խ. Բաղիկյանի այս դիտարկումը մասամբ



համադրելի է նաեւ Դրասիանակերտցու «Պատմութիւն Հայոց» երկի դարձվածային միավորների կառուցատիպերի վիճակագրական նկարագրին:

Դրասիանակերտցին գրաբարի իր փայլուն իմացությամբ եւ ստեղծարար մտքով ծնել է գրաբարի համար բացառիկ տեսակով եւ ոճական գեղեցկությամբ դարձվածքներ, որոնց բաղադրիչների թիվը գերազանցում է չորսը: Դրանք մեն թիվ չեն կազմում, սակայն հարստացնում են հայերենի եզակի դարձվածքների շարքը: Ներկայացնենք բնագրային օրինակներ.

ա) հնգաբաղադրիչ դարձվածքներ.
Արժանի կալ յաթոռ սրբութեան (10) – սրբության աթոռին արժանի դառնալ, սրբացվել. «Զկնի յարադրելով գորդիս եւ գթութիւնս նորա, որք արժանի գտան կալ յաթոռ սրբութեան նորա, այլեւ զայլ եւս զյաջորդս նոցունց

մինչեւ ցայսօր ժամանակի, եւ որ ինչ՝ ի նովանէն կան յայլոց ոմանց յաւուրս նոցա գործեալ իրակութիւնք»:

Մահ առ դուրս պատրաստ ունել/իմ (8) – մահը պատրաստ պահել, մահվանը մոտ լինել. «Եւ արդ մի՛ եւս ինձ այլ իիւս յառաջաբանութեան եղիցի ծախել գժամանակս. վասն զի ծերութիւն ցաւազիմ՝ մահ առ դուրս պատրաստ ունի, եւ տագմապ տարակուսիցս հապճեալ տայ պատմել զանցս անցից աղետիցս եւ անհնարին խռովութեանց հասելոց կալելոց զմեզ»:

Ի գործ չարի մասանցն բերել (208) – չար գործերի մասնակցել. «Եւ յիւր կորստեան կեղծաւորութիւն բերեալ բանս ծածուկս ընդ թագաւորին Վրաց՝ հաստատէին սպանանել զՍմբատ, եւ փոխանակ նորա զնա կառուցանել հրամանատար Հայաստանեայցս, միայն թէ ընդ նոսա ի գործ չարի մասանցն բերեցի»:

Նուաճել կարգել ընդ իւրով ձեռամբ (28) – նվաճելով՝ ձեռքի տակ գցել, տիրանալ. «Այլ եւ սպարապետ եւ իշխան բիւրուց եւ հազարաց զնա կացուցանէր. յետ որոյ քաջապէս վանեալ զՅունականս եւս՝ նուաճեալ կարգէ ընդ իւրով ձեռամբ զՊոնտոս եւ զԿեսարիեայ, որ կոչի Սիժակ՝ հանդերձ շրջազայեալ զաւառօքն»:

բ) վեցաբաղադրիչ դարձվածքներ.
Հասանել ի կէտ վճարման ի կենացս (92) – վախճանվել, կյանքի վերջնակետին հասնել. «Բայց Համագասպայ յետ երից ամաց առնլոյ զպատիւ կուրապաղատութեանն ի կայսերէ՝ հասանէ ի նմա կէտ վճարման ի կենացս, եւ վախճանեալ դնի ընդ հարս իւր»:

Ի խոյզ եւ ի խնդիր լինել (16) – պրպտել, որոնել. «Ապա ոմն յազգէ ասորի՝ Սար Աբաս Կատինայ անուն, հրամանաւ մերոյն Վաղարշակայ երթեալ ի դիւանս թագաւորացն Պարսից, որ ուշիմ եւ վարժ էր մտօք՝ քաղդէաբն եւ յունարեն դպրութեամբ, ի խոյզ եւ ի խնդիր եղեալ՝ գտանէ անդ մատեան մի վավերական, զոր հրամանաւ Աղեքսանդրի որդւոյ Նեքտանիբայ ի քաղդէացի գրոյ ի յոյն փոխարկեալ էր, որ թէպէտ զբազում ազգաց գրոյցս հարստապէս ի նմա ճոխացուցեալ էր»:

Շարունակությունը՝ էջ 7

Երեւանի Պետական համալսարանի մասնակցությունը Հայրենական Մեծ Պատերազմի տարիներին ռազմահայրենասիրական, զորահավաքային եւ քիկունային աշխատանքներին

Հայրենական մեծ պատերազմի առաջին իսկ օրվանից Երեւանի պետական համալսարանը իր ակտիվ մասնակցությունն ունեցավ ռազմահայրենասիրական, զորահավաքային եւ քիկունային աշխատանքներին: Մեծ հայրենականի նախօրեին մայր կրթօջախի բանասիրական, պատմության, իրավաբանական, տնտեսագիտական, կենսաբանական, քիմիական, երկրաբանական, աշխարհագրական եւ ֆիզիկամաթեմատիկական ֆակուլտետներում սովորում էին 1461 ուսանող, 68 ասպիրանտ, դասավանդում էին 19 պրոֆեսոր, 53 դոցենտ, 94 ավագ դասախոս եւ 54 ասիստենտ: 1941 թ. համալսարանում ուներ 41 ամբիոն (տե՛ս «Երեւանի համալսարան», 1985, 9 մայիսի, №17–18, էջ 1):

Պատերազմի առաջին իսկ օրերից, այնուհետեւ ողջ ընթացքում վերոնշյալ ֆակուլտետներից հարյուրավոր համալսարանականներ մեկնեցին զործող բանակ, ռազմաճակատ: Համալսարանում պարբերաբար գումարվում էին միստեր, ժողովներ, ցույցեր, որտեղ ղեկավարողները կայացրեցին եւ դասախոսները, իրենց ելույթներում հիշելով հայ ժողովրդի անցած պատմական ուղին, նրա մղած ազգային-ազատագրական շարժումների հերոսական էջերը, հայրենասիրական բոցաշունչ կոչերով կամավոր զինվորագրվում էին հայրենիքի պաշտպանության սուրբ գործին՝ այն համարելով քաղաքացիական պարտականություն եւ ազգային արժանապատվության գործ:

Համալսարանի ավագագույն դասախոսներ Հրաչյա Աճառյանը, Արսեն Տերտերյանը



նր եւ Հովհաննես Կարապետյանը 1941 թ. հուլիսի 3-ին «Սովետական Հայաստան» թերթում հանդես եկան հոգվածով, որտեղ գրում էին. «Գիտակցելով ռուսի մեծությունն ու լրջությունը՝ մենք էլ, չնայած մեր ծերացած հասակին, պատրաստ ենք մեր կառավարության առաջին իսկ կոչին մեծ-վել կռվի՝ ի սպաս դնելու մեր ուժերն ու գիտելիքները մեր լայնածավալ հայրենիքի համար» (Երեւանի պետական համալսարանի պատմությունից, էջ 67):

Պատերազմ մեկնեցին համալսարանի պարետն ու դոմնապանը, ամբիոնի վարիչն ու դեկանը, դասախոսն ու ուսանողը, ասպիրանտն ու ղեկավարը: 1941–1945 թթ. զործող բանակում եղան համալսարանի արական սեռի բոլոր այն քաղաքացիները,

որոնք պարտավոր էին լինել այնտեղ: Ռազմաճակատ մեկնեց նաեւ համալսարանի այն ժամանակվա ղեկավար Գարեգին Պետրոսյանը: Նույն զորամասում՝ 408-րդ հայկական հրաձգային դիվիզիայում, իր ճակատային ռազմական ծառայությունն անցկացրեց համալսարանի դասախոս եւ հետագա տարիների ղեկավար Սկրտիչ Ներսիսյանը: Երկուսն էլ զորացրվել են միայն ծանր վիրավորվելուց հետո (տե՛ս Գ. Բարսեղյան, Երեւանի պետական համալսարանը 1941–1945 թթ. Հայրենական մեծ պատերազմում, «Հանդես Երեւանի համալսարանի», 1995, №2, էջ 16):

Հայաստանը պատերազմի նախօրեին արդեն համատարած զրազիտության հանրապետություն էր եւ բանակ էր ուղարկում

հիմնականում 18–40 տարեկան միջնակարգ եւ մասամբ բարձրագույն կրթություն ստացած քաղաքացիների: Ըստ էության՝ Հայրենական մեծ պատերազմը հայերի համար առավելապես մտավորականության պատերազմ էր: Այն ժամանակներում համալսարանը, բարձր մտավորականության եզակի կենտրոն լինելով, առաջին օրինակն էր ծառայում հայրենասիրական ու կառուցողական բոլոր ձեռնարկներում թե՛ պատերազմական, թե՛ հետպատերազմյան առաջին տասնամյակների ընթացքում:

Պատերազմի տարիներին կազմավորված հայկական ազգային զորամիավորների՝ 390-րդ, 89-րդ, 408-րդ, 409-րդ հրաձգային դիվիզիաների, եւ դեռեւս 1920–22 թթ. կազմավորված 76-րդ լեռնային հրաձգային դիվիզիայի, քաղաշխատողների, ինժեներական, համբարակային, քիմիական, կապի, մեխանիզացիոն եւ մյուս ծառայությունների միջին ու բարձր հրամկազմի մեջ ծանրակշիռ տեղ են ունեցել համալսարանի նախկին սաները:

Միայն 1941 թ. տարբեր ռազմաճակատներ են մեկնել 360-ից ավելի ուսանող եւ դասախոս, իսկ պատերազմի հետագա չորս տարվա ընթացքում համալսարանի ճակատից մեկնել է ավելի քան 509 մարդ: Նրանցից շուրջ 300-ը զոհվել են հանուն հայրենիքի խաղաղ ու անվտանգ կյանքի: Ռազմաճակատ մեկնած 869 համալսարանականներից 213-ը կոմունիստներ էին, իսկ 628-ը՝ կոմերիտականներ (տե՛ս «Երեւանի համալսարան», 1985, 9 մայիսի, №17–18, էջ 1):

Շարունակությունը՝ էջ 8

«Փոքր սկզբով» ԴՐԱՄԱՆ ԵՐՈՒԽԱՆԻ ՆՈՎԵԼՆԵՐՈՒՄ

Երոտյանի նովելների հերոսները մեծ մասամբ ծովի մարդիկ են: Նրանք աչք են բացել ծովափին, անհոգ օրերին զնայվել նրանով: Ծովը գրողի նովելներում առանձնակի տեղ է գրավում: Սքանչելիքներով հարուստ բնության եւ ծովի գաղտնիքների մեջ է թափանցել նրա միտքը՝ որսալով անորսալին, սովորել զգալ ու մտածել այդ խորհուրդներով: Կյանքի գեղեցկության որոնումները նրան հասցնում են ծովի արկածային տարերքի ընկալումներին, տեսնելու բնության եւ մարդու գոյակցության ներդաշնակությունը:

Նար-Դոսի պես Երոտյանն էլ պատկերում է նույն ժամանակի մեծ քաղաքների ծայրամասային թաղամասերում խավարի եւ աղքատության բեռի տակ կքած հայ մարդու անմիջական վիճակը: Երոտյանի ինքնատիպ հերոսներն ընտելացել են ստեղծված իրավիճակին: Նրանք չեն վախենում թշվառությունից, ավելին՝ արհամարհում են այն. նրանք հոգեպես բարձր քաղաքացիներ ունեն: Եթե նրանք սիրում են, ապա այդ սերը մարդկայնորեն ուժեղ է ու անկեղծ, եթե ուրախանում են (զգացողության դրսեւորում, որ հազվադեպ է պատահում), ապա կարողանում են ողջ հոգով ուրախանալ:

Գրողը սրբազան երկյուղածությամբ է փայփայում այն ճշմարիտ հավատամքը, թե բոլոր հոգեւոր գեղեցկությունների միակ եւ անսպառ աղբյուրը «խոնարհ դասակարգն» է: Նրա նովելային աշխարհը գերազանցապես դժբախտ հերոսներով է բնակեցված: Այդ ամենը թերեւս պայմանավորված էր իրականության կենդանի պատկերագրումով: Նա իր նորավեպերի համար սյուժեներ էր ընտրում կենցաղից, իր տեսած կյանքից: Նրա նորավեպերի հաջողությունը իրականության ճշմարիտ վերարտադրության երոտյանական մեկնության մեջ է: Հենց դրանում պետք է փնտրել Երոտյանի նորավեպագրի բերած նորությունն ու ստեղծագործական հմայքի գաղտնիքները: Գրողի համար խնդիր է դառնում իր դժբախտ հերոսների անհատականության

նր ձուլվելը: Նա աստիճանաբար ձուլվում է իր հերոսի հոգեւոր ողբերգությանը՝ դուրս բերելով դրա կենսական պատճառները. «Հանկարծ սթափեցա հառաչանքե մը, սրտի անդունդներեն դուրս պոռթկացած ու իր հետ բերելով ավերակ, ջարդուկշուր սրտի մը սփռվածք»:

Անհատի հոգեկան հուզապրոններն ու գալարումների տագնապը անմիջապես կամրջում են հեղինակի եւ նրա հերոսի անձերը: Նա խորաթափանց հետազոտողի եւ հմուտ խորագետի նրբանկատությամբ քայլում է դեպի կյանքի հատակը մետված, հասարակությունից մեկուսացված հերոսը՝ սուզվելով նրա ներաշխարհի նուրբ ծալքերը: Մի քանի վրձնահարված, եւ ընթերցողի առջեւ է կանգնում ընդգծված բնավորությամբ եւ արտաքին նկարագրությամբ հերոսը՝ իր յուրօրինակ հոգեբանությամբ: Նորավեպագիրը հաջողությամբ ապրում է վերարտադրում է հերոսի ներքին հույզը, վիշտը, խոհն ու մորմոռը, նրա ներգացումը, հոգու տագնապը: Երոտյանի կերտած կերպարները տիպական են, պատկերները՝ տեսանելի: Այդ հերոսներին բնորոշ է կյանքի նկատմամբ չափավորության զգացողությունը: Շատ ջշով բավարարվող այդ մարդիկ երբեմն իրենց կյանքը համարում են նաեւ «անամա, խաղաղ ու շենշող», մաքառում են, տանջահար լինում, սակայն չեն դժգոհում. տրտմունքում են հազվադեպ: Նրանց ամենադաժան պայքարը մի կտոր հացի համար հաճախ իրենց իսկ կողմից դիտվում է որպես կյանքի զարգացման բնականոն ընթացք: Սակայն այդ հերոսները դժգոհում են հատկապես ըմբոստանում են, երբ ձախտվում կամ մերժվում են սիրո մեջ: Այս ֆոնին երեւան է գալիս կոմֆլիկտը: Անձնական անհաջողությունը բացում է հերոսի լեզուն, աշխարհի անարդարությունների դեմ նրա հոգում կուտակված մաղձը՝ նոր միայն դուրս է ժայթքում: Սա, թերեւս, միակ իրավիճակն է, որը կարողանում է բացահայտել կերպարի ներաշխարհը, հոգում կուտակված թախիծը: Երոտյանի հե-

րոսների համար կյանքի մի ցնցումը հերիք է կործանվելու, դժվարությունների դեմ պայքարել չկարողանալու համար: Երոտյանի՝ կյանքի հատակում հայտնված հերոսներից շատերը, որ գոյություն ունեն եւ միեւնոյն ժամանակ գոյություն չունեն հասարակության համար, կարողանում են այդ նույն հասարակության միջից գտնել մեկին, որը դառնում է իրենց երազային աշխարհի միակ լուսավոր ու կարեւորագույն կետը, որ ստիպում է իրեն զգալ հասարակության լիիրավ անդամ, բայց եւ շատ հաճախ այդ լուսավոր կետը դառնում է նրանց համար դժոխքի ու կործանման ուղին լուսավորող կանթեղ:

Երոտյանի հերոսները կյանքից օտարված, մեծ դժվարությամբ հանապազօրյա հաց վաստակող խոնարհ խավերի ներկայացուցիչներ են, որոնք հաճախ անգամ անուն չունեն, շրջապատողները նրանց կանչում են պապուկ, խամպուռ (կուզ), զանգակահար, որոնց հոգու խորքում թաքցված զգացմունքներ կան, անձնական գաղտնիքներ: Նրանք աղքատություն, որբություն, տառապանք տեսած մարդիկ են՝ հաճախ կուպիտ ու հանդուգն, բայց ավելի շատ երազկոտ, համբերող ու բարի:

Երոտյանի նորավեպերից ամենաշատ բնութագրվել եւ վերլուծվել է «Պապուկը»: Այն գրողի լավագույն նովելներից է, որն ընթերցողին երկար ժամանակ իր տպավորության տակ է պահում: Այս նորավեպում հանդիպում ենք մատուրալիստական զգվածք առաջացնող նկարագրությունների, որոնք ոչ այնքան մարդկանց են վերաբերում, որքան այն իրականությանը, որը ճգնում է մարդուն մինչեւ իսկ անուն չունենալու աստիճանի:

Ամեն օր եկելեցու բակ էր գնում ցնցոտիապատ, խղճալի տեսքով պառավ մուրացիկը, նստում պատի տակ եւ սպասում



ողորմության՝ նույնիսկ չնայելով ողորմություն տվողների կողմը: Բայց ահա մոտենում է մեկ ուրիշ ցնցոտիավոր մարդ, աճապարանքով ծոցից դուրս է բերում տասանոց մետաղադրամը, դնում պառավի առջեւի լաթի վրա: «Բայց Ո՛վ զարմանալյալ, ահա զլուխ վեր կառնե, աշվները, մարած ու մթին աշվները հանկարծուստ փայլալ մը, անակնկալ – պիտ մը շուրթերը կկծե, ձեռքը կերկարացնե աշխուժով դեպ այն անձը, որ տասանոց մը կղներ հոն: Հետո մարդը կհեռանա, կհեռանա ժպիտն ու զվարթ արտահայտությունը, մռայլ կպատե վերստին եւ զլուխը կիյնա կուրծքին վրա անշարժ ու տխրահալ՝ ինչպես էր առաջ:

Ով էր այդ մարդը» (Հայ դասականների գրադարան, Երոտյան, Եր., 1981, էջ 371):

Շարունակությունը՝ էջ 6

Հուսավորչաճիւն Մայր Աթոռի 125-րդ գահակալը

Սկիզբը՝ էջ 3

Ազգային գործիչը, որ մեծ տերությունների ղեկավարների մոտ ցանկանում էր պաշտպանել իր ժողովրդի արդար դատը, աստիճանաբար հանգում է այն գաղափարին, որ բոլոր մեծ տերություններն առաջնորդվում են սեփական շահերով, եւ փոքր ազգությունների ճակատագրերը նրանց ձեռքին մանրադրամի արժեք ունեն։ Բեռլինից վերադարձած խորհրդանշական Կ. Պոլսի Գում-Գափուի Մայր տաճարում ժողովրդի հետ հանդիպման ժամանակ իր խոր հիասթափությունը թղթե եւ երկաթե շերտերով կաթսայից հարիսա վերցնելու այլաբանական տեսարանով է արտահայտում։

1880-ական թթ. Հայաստանի ազատագրության նպատակով Արեւմտյան Հայաստանի զանազան վայրերում՝ Վանում, Կարինում, Փոքր Հայքում ստեղծվում են գաղտնի կազմակերպություններ։ Ամիջապես խորհրդանշական է ընթացում Վանի «Սեւ խաչ» գաղտնի կազմակերպության ծավալած գործունեությունը։ Այդ իրադարձություններին տեղյակ Բ. Դումեն անցանկալի է համարում «անհանգիստ» հոգեւորականի ներկայությունը հայաշատ Վան-Վասպուրականում եւ 1884 թ. հատուկ հրահանգով նրան կանչում է Կ. Պոլիս։ Վեց տարի խորհրդանշան գործում էր Կ. Պոլսում, ուր կրոնական ժողովի ատենապետն էր եւ Ազգային ժողովում ունեցած իր ելույթներով պատրիարքի եւ Ազգային ժողովի ուշադրությունն էր հրավիրում Արեւմտյան Հայաստանի վատթար կացության, կառավարության հայախալած քաղաքականության սաստկացման վրա։ Վանում հիմնադրված (1885 թ.) Արեւմտական կուսակցության, որը հայտնի էր նաեւ երեք Մկրտիչների կուսակցություն (Մկրտիչ խորհրդանշան, Մկրտիչ Փորթուզայան, Մկրտիչ Ավետիսյան (Թերլեմեզյան)) անունով, շուտով ու հոգին էր խորհրդանշան Հայրիկը։ Ազգային նորաստեղծ կուսակցությունները, մասնավորապես «Հնչակ»-ն իր առաջին քայլերն էր կատարում Կ. Պոլսում։ 1890 թ. Երզնումի հունիսյան դեպքերի տհաճ տպավորությունը ցրելու եւ կառավարության ուշադրությունը հայկական բարենորոգումների վրա հրավիրելու միտումով հուլիսին Կ. Պոլսում կազմակերպվում է խաղաղ ցույց (Գում-Գափուի ցույց), որին սուլթանի հրամանով միջամտում է ոստիկանությունը։ Ցույցի մասնակիցները կանգնում են դատարանի առաջ։ Բ. Դումեն, որը խորհրդանշան մեջ տեսնում էր քաղաքականապես անբարեհույս հոգեւորականի, նրան աքսորում է Երուսաղեմ, ուր Ս. Հակոբի վանքի խցերից մեկում «արծվին փակել էին ճնճուկի վանդակի մեջ»։

1892 թ. մայիսի 5-ին 72-ամյա Մկրտիչ խորհրդանշան ընտրվեց Ամենայն Հայոց Կաթողիկոս (1892–1907 թթ.)։ Նրա ընտրության

հաստատման ցարական հրովարտակն ստացվեց միայն տասներեք ամիս անց։ Պատճառն այն էր, որ սուլթանը չէր ցանկանում ըմբոստ հոգեւորականին ազատել թուրքական հպատակությունից եւ ցարին համոզում էր, թե խորհրդանշանի ներկայությունը Ս. Էջմիածնում մոռ խռովությունների առիթ է տալու։ Արդու Համիդն առաջարկում էր Նիկոլայ Երկրորդին կաթողիկոսական մոր ընտրություններ անցկացնել։ Միայն Նիկոլայ Բ-ի առարկությամբ, թե խորհրդանշանի ընտրությունը չվավերացնելը պատճառ կդառնա ավելի մեծ հուզումների, սուլթանը կատարեց ցարի պահանջը եւ խորհրդանշան ազատեց թուրքահպատակությունից։ 1893 թ. սեպտեմբերի 26-ին՝ Վարազա Ս. Խաչի տոնի օրը, Էջմիածնի Մայր տաճարում խորհրդանշան Հայրիկն օծվեց կաթողիկոս։ Օրը մռայլ էր եւ ամպամած։ Օծման արարողության ժամանակ փայլատակեց արեւը։ Հանդիսությանը մասնակցող ժողովուրդը ցնծագին աղաղակներով թնդացրեց օդը երեսույթը համարելով աստվածային նախանշան։

Արսեն Ղլտճյանը վկայում է. «Խորհրդանշան Հայրիկի կաթողիկոս ընտրվելուց հետո երիտասարդության մեջ ձգտում կար վանական-հոգեւորական կամ, ինչպես ասում էին, վարդապետ դառնալու։ Դա համարվում էր ազգին ծառայելու մի ձև»։


Դրամատիկ ու փոքրիկ տին նաեւ խորհրդանշանի կաթողիկոսական տարիները։ Ցարիզը, գործակցած Բ. Դումեն հետ, աշխատում էր խեղդել հայ ազգային-ազատագրական շարժումները։ Կովկասի կառավարչապետ հայախալած Գոլիցին ստորագրելով 80-ականների վերջերից սկսվեց հալածանք հայկական մշակութային օջախների, դպրոցների, ապա նաեւ Հայոց եկեղեցու նկատմամբ։ Պետությունից զուրկ հայ ժողովրդի համար եկեղեցին կատարում էր ազգապահպան եւ ազգահավաք մեծ գործ։ Նրա միջոցներով էին պահվում կրթական ու մշակութային հաստատությունները։ 1903 թ. հունիսի 12-ին Նիկոլայ Երկրորդը ստորագրեց Հայոց եկեղեցու շարժական եւ անշարժ գույքը բռնագրավելու հրամանը։ Հայ հասարակական կազմակերպությունները, կուսակցությունները, ամբողջ հայ ժողովուրդը Ամենայն Հայոց Հայրիկի գլխավորությամբ բողոքի միահանուս հուժկու ալիք բարձրացրին պետական մակարդակով կատարվող այդ մեծ անիրավության դեմ։ Հայոց Հայրիկի նախաձեռնությամբ եւ գլխավորությամբ կազմվեցին բողոքի բազմաթիվ փաստաթղթեր՝ ուղղված Նիկոլայ Բ-ին։ Ծերունազարդ Հայրիկը երիտասարդի ավյունով գլխավորեց համաժողովրդական այս պոռթկումը մինչեւ բաղձալի հաղթանակը՝ 1905 թ. օգոստոսը, երբ արտաքին եւ ներքին հանգամանքների ճնշման տակ ցարը

ստորագրեց Հայոց եկեղեցու ունեցվածքը վերադարձնելու հրովարտակը։

Խորհրդանշանի կաթողիկոսության շրջանը գլխապետույտ իրադարձությունների ու սպառնալիքներով ընթացող դեպքերի եւ երեսույթների ժամանակաշրջան էր։ Շրջահայաց ու հեռատես խորհրդանշան կարողացավ հնարավորինս քիչ վնասներով ու կորուստներով առաջնորդել իր հոգեւոր ենթակայության տակ գտնվող ժողովրդին։ Նույնիսկ ժամանակ գտավ բարեկարգման ու ստեղծագործական աշխատանքներ իրագործելու համար։ Մկրտիչ Ա խորհրդանշան վերանորոգել է տվել Ս. Հռիփսիմեի, Խոր Վիրապի, Հաղպատի, Սանահինի, Սեւանի վանքերը, աջակցել Զվարթնոցի պեղումներին, հիմնադրել Ամերիկայի առաջնորդական թեմը, կատարել վանական կյանքի կանոնական բարեփոխումներ։ Նրա օրոք Ս. Էջմիածնում կառուցվել են մոր հյուրատուն, Սինոդի մոր շենք, թանգարան, մոր մատենադարան։ Խորհրդանշան Հայրիկի գահակալության տարիներին օծվել են Բանբակաշատի Ս. Աստվածածին, Գավառի Ս. Աստվածածին, Գորիսի Ս. Գրիգոր Լուսավորիչ եկեղեցիները։ Խորհրդանշան թողել է գրական հարուստ ժառանգություն, որի մեջ առանձնահատուկ տեղ են գրավում գեղարվեստական, կրոնափիլիսոփայական, բարոյախրատական, մանկավարժական բնույթի ստեղծագործությունները՝ «Հրավիրակ Արարատեան» (Կ. Պոլիս, 1850 թ.), «Հրավիրակ երկրին Աւետեաց» (Կ. Պոլիս, 1851 թ.), «Մարգարիտ արքայութեան երկնից» (Կ. Պոլիս, 1866 թ.), «Յիսուսի վերջին շաբաթ եւ խաչի ճառ» (Կ. Պոլիս, 1876 թ.), «Ժամանակ եւ խորհուրդ իւր» (Կ. Պոլիս, 1876 թ.), «Վանգոյժ» (Կ. Պոլիս, 1877 թ.), «Հայգոյժ» (Կ. Պոլիս, 1871 թ.), «Թագավորաց ժողով» (Էջմիածին, 1909 թ.), «Դրախտի ընտանիք» (Կ. Պոլիս, 1876 թ.), «Սիրաք եւ Սամուել» (Կ. Պոլիս, 1878 թ.), «Պապիկ եւ թռեմիկ» (Էջմիածին, 1894 թ.) եւ այլն։

Խորհրդանշանի մեծությունն առաջին հերթին իր բարոյական նկարագրի, պարզ ու շիտակ, արդարամիտ ու հայասեր, ժողովրդասեր էության մեջ էր։ Ուղեմիջ ունենալով «ամեն ինչ ժողովրդի համար եւ ժողովրդի տեսակետով» նշանաբանը՝ նա արժանիորեն վաստակեց համայն հայության սիրելի ու պաշտելի գործչի եւ հոգեւոր առաջնորդի լուսապսակը։

Հարազատ ժողովրդի ճակատագրով



մտահոգված Հայոց Հայրիկը նույնիսկ կյանքի վերջին օրերին չէր դադարում «ես եմ հովիւն քաջ» լինելուց եւ իր պարտքը՝ այն է՝ «հովիւն քաջ զանձն իւր դնէ ի վերայ ոչխարաց իւրոց» կատարելուց։ Մահվանից մի քանի ամիս առաջ նրա նախաձեռնությամբ կազմվեց հատուկ պատվիրակություն՝ Հաագայի (Լահեի) խաղաղության միջազգային երկրորդ կոնֆերանսին (1907 թ. մայիս–հոկտեմբեր) Հայկական հարցը ներկայացնելու համար։ Նա դիմումներ հղեց ռուսական ցարին եւ Անգլիայի թագավորին։

Սեփական ժողովրդի վիշտ ու ցավով ապրող, նրա ճակատագրով մտահոգ Ամենայն Հայոց Հայրիկն իր հոգաբարձու վշտակին հոգին ավանդեց 1907 թ. հոկտեմբերի 29-ին։ Որբացավ հայ ժողովուրդը, քանզի կորցրեց իր պաշտելի Հայոց Հայրիկին։ Մկրտիչ Պոտուրյանը «Բազմավեպ»-ում գրեց. «Դադրած է բաբախել սիրտը՝ որ սիրոյ արեւ մ'եղաւ։ Ալ փակուած են այն աչքերը՝ որ գրեթէ դար մը հայութիւնը ողբացին։ Որք է Հայրենիքը, գրկված Հայրիկէն։ Մասնական մահ մը սակայն, քանի որ համբաւը պիտի ապրի հայ գրական մատենագրութեան մէջ, եւ պիտի փայլի իր անունը՝ ազգային կրօնական պատմութեան մէջ»։ Սրբավայել, հայապաշտ ու հայրենապաշտ Հայոց Հայրիկի մարմինը նոյեմբերի 5-ին ամփոփվեց Մայր տաճարի զանգակատան հարավարեւմտյան կողմում։ Նրա գերեզմանն ուխտավայր-սրբավայր է յուրաքանչյուր ազգասեր ու հայրենասեր հայորդու համար։

Շարունակելի

Արման ՄԱՆՈՅԱՆ

«Փոքր սլրդոտ» ԴԻԼԿԱՆ ԵՐՈՒԽԱՆԻ ՆՈՎԵԼՆԵՐՈՒՄ



Սկիզբը՝ էջ 5

Ամեն առավոտ «այլանդակ սիլուետ մը» ժամը երկուսին անցնում է եկեղեցու փողոցով։ Սապատավոր, յուղոտ ֆեսով, գունաթափ զգեստներով ծերուկ է, որի մասին ասում են, թե ցուփ ու շվալտ կյանք է ունեցել, մեծ հարստություն, որ մսխել է սիրային արկածների վրա։ Բարեսիրտ մարդիկ նրան «մարդուկ» էին կանչում, չարածճիները՝ «խամպուռ»։

Ամեն օր այդ խորհրդավոր գործողությունները շարունակվում էին ճշգրտորեն։ Ձեռքը արագ խոթում էր ծոցը, հանում տասնոցը, դնում «ամոր դողդողացող ձեռքին մեջ»։ Տեսարանը սրտաշարժ էր։

Եվ ահա այսպես անցնում են օրերը, շարունակվում էին միօրինակ հանդիպումները, բայց եւ «մոլեգին բան մը կար այդ անծանոթ ծերունու անսովոր ընթացքին մեջ, մոլեգնություն՝ որ եւս առավել ահավոր կդառնար իր արտաքին հանդարտիկ երեսույթով ու անզգամ դեմքովը. խուլ, կատաղի բան մը կը ելեւէջեր, կատու-

քեր անոր մեջ, չեն գիտեր ինչ, այլանդակ սեր մը, ծերության վայրագ քնահաճույք մը, հեշտախտային այն մոլեգին գրգռումներ մին, զոր ոչ մեկ կերպով կարելի է բացահայտել» (նույն տեղում, էջ 372)։

Այդ տարի ձմեռը սաստիկ ցուրտ էր։ Ձյունածածկ փողոցով պապուկը դիմում էր դեպի նույն եկեղեցի՝ դողալով, սարսափով ձգտելով իր տեղը։ Կես ժամ հետո նույն տեղն էր զննում խամպուռը։

Վրա է հասնում անսպասելի շրջադարձը. ժամկոչներն ու քահանան սառած պապուկի դիմ «գերեզմանատուն վազեցուցին»։ Ժամեր հետո մարդուկը եկավ, փնտրեց, չգտավ։ Ու զարկված որսի պես «սրտակեղեք կաղկանձ մը արձակելով ինկավ...» (նույն տեղում, էջ 372–373)։

Ամեն օր ավելի ու ավելի էր նիհարում ծերուկը, կուզը մեծանում էր։ Սակայն առաջվա նման ամեն օր նույն ժամին մտնում էր եկեղեցի, ինչ-որ բան էր անում եւ իսկույն հեռանում։

«Հետաքրքիր եղա դիտել թշվառ մարդու

այդ շարժումները։ Ծածկվեցա անկյուն մը, ուսկից անկարելի էր երեւիլ, եւ տեսա ծերունին, որ գաղտնագողի ակնարկ մը նետելով չորս բոլորը, ծնրադրեց, գլուխն երկնցուց եւ սկսավ տենչանոք պատը լզվոտել»։

Կյանքի գորշ, ճղճիմ պատկերներին մեջ իսկ երուխանը պահպանում է բանաստեղծական ընկալումը, որսում է հոգեհունց պատկերներ, որ վրիպում են սովորական աչքից։ Նա չի անտեսում հասարակության կողմից մոռացվածներին, չնկատվողներին, հասարակության համար գոյություն չունեցողներին։ Նա իր՝ գորղի զգայուն խառնվածքի եւ դիտողականության շնորհիվ կարողանում է նկատել այն, ինչը չի նկատում հասարակ մահկանացուն։ Նա կարողանում է կյանքի հատակը նետված մարդկանց մեջ գտնել այնպիսի զգացմունքներ, ինչպիսիք հատուկ են բոլոր մարդկանց՝ անկախ սեռից, հասարակության մեջ նրանց զբաղեցրած դիրքից։

ԱՆՆԱ ԹՈՐՈՍՅԱՆ

ՑՈՐԱԿԱՆ ՏԵՐՅԱՆԸ

Սկիզբը՝ էջ 4

Չարենցի անձի պատմական նշանակության գիտակցման վերաբերյալ Չերի հիշածներին ավելացնեմ ես մի քանի տող «Նաիրի երկրից» (1920) պոեմից.

*Ուրբերս ամուր հողի մեջ մխած,
Գլուխս աստղերում,
Անասամ, հաստատ կանգնած հողմային
Օրերի հրում –
Իմ հավերժատես, պայծառ աչքերով
Նայում եմ հեռուն:
<...> Ես – ես եմ նորից –
Դարերից եկած անհուն մի պոետ –
Եղիշե Չարենց –
Նաիրի երկիր, քո երգիչը վառ,
Օրհներգուն, պայծառ
Ու զավակը մեծ...
Ես – ես եմ նորից –
Ոսկի երակը հնամյա ցեղիս,
Իմ ջլաբազուկ, հաղթ ժողովրդի
Օղակը վերջին:*

Սա Չարենցի կողմից անմահության ընկալումն է, որպես առհավատշյալ՝ աչքի առաջ ունենալով երկիր Նաիրին:

Իսկ ի՞նչ է անմահությունը:
Անմահությունն սկսվում է յուրաքանչյուրից եւ սերունդների հիշողությամբ խորանում դեպի անցյալը՝ իրենից անմիջապես առաջ ծնողները, պապերը, պապապապերը, նախնիները: Նույն կերպ միտքը շարժվում է իրենից հետո՝ զավակները, թոռները, ծոռները, կոռները...

Անմահությունը եւ նյութական է, եւ գիտակցական: Նյութական՝ արյան եւ սաղմնային (գենետիկ) հատկանիշների շարունակականությունը: Գիտակցական՝ իրենից առաջ պատմությունն է, համաշխարհային քաղաքակրթության անցած ճանապարհը, իր ժամանակ՝ ստեղծվող կյանքը, իրենից հետո՝ շարունակվող կյանքը, որի ընթացքի տրա-

մաբանությունը տեսնում է, կանխատեսում, գուշակում ու կռահում: Պայծառատեսները տեսնում են ապագան: Անմահությունը նաեւ հոգեւոր հասկացություն է: Անմահությանը պետք է հավատալ հենց այնպես, ինչպես հավատում են Աստծուն: Աստված անմահ է եւ հավերժական: Այդ անմահությունն ու հավերժությունը պայմանավորված են սերունդների հավաքական հիշողությամբ: Ուրեմն սերունդների հերթականությամբ ու հաջորդականությամբ անմահ է նաեւ մարդը:

Մարդը շրջապատված է բնության հավերժությամբ՝ երկիր, Արեգակ, Լուսին, ցամաքներ եւ օվկիանոսներ: Հայ ժողովրդի համար հավերժության խորհրդանշան է Արարատը՝ որպես սուրբ սար, հետջրիեղեղյան աշխարհաստեղծման խորհրդանիշ: Այստեղից հայ բանաստեղծների, նաեւ Չարենցի հաճախակի դիմումը Արարատին: Արարատին նվիրված բանաստեղծություն ունի նաեւ Տերյանը:

Մարդկությունը փորձել է նաեւ մրցակցել բնության հետ՝ ստեղծելով հավերժության իր պատկերացումը մարմնավորող կառույցներ՝ բուրգեր, Թաջ Մահալը, Մֆինքսի արձանը: Մարդկությունը հավերժության հետ մրցակցել է նաեւ մտավոր այնպիսի բարձրագույն արժեքով, որպիսին Աստվածաշունչն է, եւ այն ամենը, ինչ ամբարված է սեպագրերում, պատկերագրերում, մեհենագրերում, արձանագրություններում, բանավոր հիշողության մեջ եւ գրքերում:

Սիւս Չարենցն իրենով այս անմահությունն ու հավերժությունն է խորհրդանշում եւ ապրելու, գոյատևելու երաշխիք տալիս 1915 թիվ եւ հետագա իրադարձություններ տեսած իր հիրապի բազմաշարքար ու մագապուծ ժողովրդին:


Այնպես որ, նորից եմ կրկնում, պետք է ոչ թե գրողներին, այս դեպքում՝ Տերյանին ու Չարենցին հակադրել, այլ բացատրել նրանց առանձնահատկությունները: Եվ սա պետք է ընդհանուր ու միանշանակ սկզբունք լինի մար-

դաճանաչողության, արվեստի աշխարհի ներկայացուցիչներին գնահատելու հարցում:

Այսքանից հետո Չերի իսկ հարցադրմանը պատասխանեմ Տերյանի եւ Չարենցի հոգեւոր ուղղվածությունները տարբեր չեն, մեկը մյուսի շարունակությունն են: Տերյանը շարունակվեց, իր վերջին բանաստեղծություններով եկավ այնտեղ, որտեղ արդեն Չարենցն էր: Չարենցի շարունակությունն ու ավարտը նույնությամբ կարող էր կրկնել նաեւ Տերյանը: Ինչո՞ւ: Որովհետեւ պատմաքաղաքական ժամանակի առջեւ նրանք կանգնած էին նույն, գրեթե միեւնույն դիրքորոշմամբ: Սա արդեն իսկ բացառում է «միմյանց հակադիր» սխալ ձեւակերպումը:

Չարենցը «կյանքի, երկրային ձգտումների մարդ էր» եւ կարծում էր, որ կարելի է ստեղծել մոր հասարակարգ, այդ դիրքերից նաեւ բարեբանում էր մոր հասարակարգն ստեղծող գործիչներին, ինքն էլ կյանքի պայքարի մեջ անտարբեր չէր եւ ամեն կերպ փորձում էր հաստատել իր գրական սկզբունքները, իր գրական բարձր սկզբունքներն ընդդեմ պարզունակամեծի ու սխեմատիկների, բայց այդ պայքարը նրա համար դարձավ արյունոտ գրապայքար: Սիւս այս ամենով հանդերձ՝ Չարենցը նաեւ հոգեւոր բարձրագույն հաղորդակցման բանաստեղծ էր՝ ավելի խորացած 1935–1937 թթ. ստեղծագործությունների մեջ, որոնց բացառիկ արտահայտություններ են «Վերջին աղոթք», «Իմ լեռան աղոթքը», «Ի խորոց արտի խոսք ընդ Աստուծո» տետրապոիքոսը, «Նավգիկե» պոեմը, «Բալլադ սիրո» բանաստեղծությունը, «Էկլեզիաստես»-ը՝ իր «Գիրք ժողովրդի»-ն...

Չարենցը բանաստեղծ էր ինչպես մեծ առօրյայի, հարաշարժ կյանքի, պատմության ու



ժամանակի, նույնքան եւ ավելի՝ հավիտենության: Երկու արժեք՝ սեր եւ հայրենիք, սիրո եւ հայրենիքի առջեւ կանգնած մարդ ու բանաստեղծ եւ բարձր պոետիա: Ի՞նչ է սա, եթե ոչ հավիտենության ազդական: Այդ ազդականչը ժամանակների միջով ապագային, գալիքին, այսինքն՝ հավիտենությանն են փոխանցում ինչպես Տերյանը, այնպես եւ Չարենցը:

Շարունակելի

Դավիթ ԳԱՍՊՐՅԱՆ
Բանասիրական գիտ. դոկտոր, պրոֆեսոր

ՀԱՎԱՆՆԵՄ ԴՐԱՄԱՆԱԿԵՐՏՅՈՒ «ՊԱՏՄՈՒԹԻՒՆ ՀԱՅՈՑ» ԵՐԿԻ ԴԱՐՉԱԾՔՆԵՐԸ


Սկիզբը՝ էջ 4

Աշխատության մեջ գերակշռում են եռանդան դարձվածքները, բայց դրանց քանակը համադրելի է երկանդան միավորների քանակին: Ընդ որում՝ երկանդան դարձվածքները հիմնականում կազմված են *առնել, լինել, ունել, դնել* բայերով եւ անուն կամ մակբայ խոսքի մասերի միջոցով, որոնք արտահայտում են բայ-ստորոգյալ եւ խնդիր կամ պարագա շարիյունական կապը:

Անվանական դարձվածքների դեպքում հանդիպում են որոշիչ-որոշյալ կամ հատկացուցիչ-հատկացյալ կայուն փոխաբերական կապակցություններ: Եռանդան դարձվածքները հիմնականում կազմված են *ի* նախդիրով եւ գոյականների թեքված ձեւերով: Ամփոփելով Հովհ. Դրասխանակերտցու աշխատության մեջ կիրառված դարձվածքների կառուցվածքային վերլուծությունը՝ կարող ենք ներկայացնել վիճակագրական հետեւյալ պատկերը. Դրասխանակերտցու կիրառած դարձվածքների զգալի մեծամասնությունն են կազմում եռաբարդարիչ կապակցությունները (ըստ որում՝ դրանք բացառապես նախդիրավոր կառույցներ են), որոնք կիրառության հաճախականությամբ գրեթե համադրելի են երկբարդարիչ դարձվածային միավորների գործածությամբ:

Ուշաբժան է այն փաստը, որ Դրասխանակերտցու աշխատության մեջ բավականին շատ են քառաբարդարիչ դարձվածային միավորները, որոնք այլ հեղինակների երկերում այնքան էլ տարածված չեն եւ դիպվածային են: Նման կառույցների առատությունը Դրասխանակերտցու լեզվի եւ ոճի յուրահատկությունն է: Գրաբարում հազվագյուտ են բազմաբարդարիչ (հինգ եւ ավելի բարդարիչ ունեցող) դարձվածային միավորները, այս օրինակափությունն ակնհայտ նկատվում է նաեւ քննության ենթակա մեր մատենագիտական երկում: Դրասխանակերտցու կիրառած որոշ բազմաբարդարիչ դարձվածքներ տեղ են գտել Ռ. Ղազարյանի հայտնի բառարանում, մի քանիսն էլ գտել ենք մենք, ուստի կարող ենք համարել նորագյուտ:

Մեր հետազոտությունը ցույց է տալիս, որ պատմաբան կաթողիկոսի կիրառած դարձվածքների մեծամասնությունը կազմված է բայ խոսքի մասին պատկանող գերադաս անդամից, թեւեւ սակավաթիվ չեն նաեւ անվանա-



կան խոսքիմասային պատկանելությամբ գերադաս անդամով երկանդան, եռանդան եւ քառանդան կազմությունները: Չորսից ավելի բարդարիչ ունեցող ԴԱ-ներ գտել ենք, բայց դրանք հույժ սակավաթիվ են, չենք կարող համարել կիրառական կառուցատիպեր, դրանք ակնհայտ զուտ գրավոր խոսքում ստեղծված եւ գործածվող միավորներ են:

ՀԱՎԵԼԱՍԾ 2. Ռ. ՂԱԶԱՐՅԱՆԻ «ԳՐԱԲԱՐԻ ԴԱՐՁՈՒԾԱԲԱՆԱԿԱՆ ԲԱՌԱՐԱՆ»-ՈՒՄ ԶԿԿԱՅՎԱԾ ԴԱՐՉԱԾՔՆԵՐ

1. *ակամայ կամալ* (12) – անկախ կամքից,
2. *ակամայ կամօք* (218) – հոգնակին է վերելի դարձվածքի տարբերակը կամա ակամա,
3. *առ ոտն հարկանել* (290) – ոտնահարել, արհամարհել,
4. *առնել զահ երկյոտի* (354) – սարսափահար լինել,
5. *առնուլ կին* (26) – ամուսնանալ,
6. *Աստուծոյ այր* (116) – հոգեւորական,
7. *Աստուծային գիր* (74) – Աստվածաշունչ,
8. *արեան ճապաղել* (116) – արձախեղ ունել,
9. *արեամբ մխել* (30) – արյամբ հատուցել,
10. *արեգակն արդարութեան* (264) – արդարության արեգակը,

11. *արժանի կալ յաթոռ սրբութեան* (8) – արժանի լինել սուրբ աթոռին, սրբացվել,
12. *արտաքոյ բանից թողուլ* (8) – չհիշատակել, անտես առնել,
13. *դէտակն ունել* (332) – ուշադիր սպասել, ակնկալել,
14. *դիմակ գոլ* (186) – հակառակվել, դիմադրել,
15. *դնել շուք* (26) – հովանի դառնալ,
16. *դնել ուխտ ընդմահու* (332) – պատրաստ լինել զոհաբերության, մեռնելու,
17. *դուռն բացել* (74) – հուսադրել,
18. *զաչս հարկանել* (186) – ուշադիր նայել,
19. *զբռամբ ածել* (20) – ձեռք գցել, տիրանալ,
20. *զշինութիւն աշխարհիս տնօրինել* (10) – տիրել աշխարհի շենությանը,
21. *զսիրտ կակղել* (170) – գուրք շարժվել, սիրտը փափկել,
22. *ընդ կրունկն դառնալ* (100) – փախչել, մահանցել,
23. *մարտիրոսական հանդէս* (10) – սրբերի դաս,
24. *ի գլուխ ելանել* (186, 210) – ավարտվել, ամբողջանալ,
25. *ի դիմի հարկանել* (210) – ընդհարվել, դեմկանգնել,
26. *ի դիւի մատնել* (150) – դիվահարել, զայրացնել, կատաղեցնել,
27. *ի խոյ գեւի խնդիր լինել* (16) – պրպտել, որոնել,
28. *ի միտս գետեղել* (208) – մտքում ունենալ, մտապահել,
29. *ի միտս վառել* (254) – խանդավառվել,
30. *ի մտի առնուլ* (218) – մտադրվել,
31. *ի մտի դնել* (254) – մտադրվել,
32. *ի ներքս արկանել* (6) – խորամուկ լինել,
33. *լեզու ածել* (150) – չարախոսել, բամբասել,
34. *խորհուրդս խոր թեւակոխել* (366) – մտածումըների մեջ սուզվել, մտասույզ լինել,
35. *ծախել զժամանակս* (8) – ժամանակ վատնել,
36. *կեանս շնորհել* (36) – կյանք պարգևել,
37. *կոշկոծամահ լինել* (354) – տանջամահ լինել,
38. *հանգչել ի Քրիստոս* (186) – մահանալ,
39. *հասանել ի կէտ վճարման ի կենացս* (92) – վախճանվել, կյանքի վերջնակետին հասնել,
40. *հատանել յոյս կենաց* (354) – կյանքի հույսը կտրել,
41. *հոգեւոր առագաստ* (150) – մայր եկեղեցի,

42. *հրաժարել ի կենաց* (92, 184) – մեռնել, վախճանալվել,
43. *հոտ Տեառն* (170) – Աստծու հոտը, հավատացյալների հոտը,
44. *ծեսս լքանել* (290) – վիատվել, թեւաթափ լինել,
45. *մահ առ դուրս պատրաստ ունել* լիմ (8) – մահապարտ լինել,
46. *մատուցանել զլսելիս* (10) – հասկանալ, ընկալել,
47. *մարտիւ պատերազմի սրակոխ առնել* (354) – պատերազմելով սրահարել,
48. *մերկանալ մտօք* (364) – ձերբազատվել, մեկուսանալ,
49. *յական թօթափել* (164, 110) – աչքին երեւալ,
50. *յականցս հասուցանել* (34) – ականջին հասցնել, լսեցնել,
51. *յանձն առնուլ* (306) – պատրաստ լինել, ստանձնել,
52. *յաւտեանս յաւիտեանից* (366) – հավերժաբար,
53. *նուաճել կարգել ընդ իւրով ձեռամբ* (28) – ձեռքի տակ գցել, նվաճել,
54. *շինանիստ շինուած* (8) – կատարյալ կառույց, շինություն,
55. *շոգնոգել շողոմութեամբ բանիւ* (254) – շողոքորթել դատարկախոսությամբ, կեղծավորաբար,
56. *ունել զաթոռն* (186) – գահակալել,
57. *պատրանաց պատրող* (364) – խաբեբա, հմուտ սրիկա,
58. *սէր դնել* (162) – միաբանություն հաստատել,
59. *սիրտ ծնել* (188) – խղճահարվել,
60. *ստանալ ձեռն* (218) – ձեռք բերել,
61. *սրոյ ճարակ տալ* – (354) սրի քաշել,
62. *վառել ի զէնս* (170) – սպառազինվել,
63. *վարկանել անուն* (366) – հիշատակել,
64. *վճարել ի կենաց* (38) – կյանքից զրկել, սպանել,
65. *վրիպել ի խնորոյ* (148) – սխալվել,
66. *տալ կերակուր սրոյն* (254) – սրի մատնել,
67. *տալ տեղի բանիցն* (190, 254) – համաձայնել,
68. *տնակոտորութիւն եւ հրացանութիւնս զեղել* (164) – ավերում եւ իրդեհներ սփռել:

Սամվել ԵՐԻԱԶԱՐՅԱՆ

Երեւանի Պետական համալսարանի մասնակցությունը Հայրենական Մեծ Պատերազմի տարիներին ռազմաօդային և օդակառավարական, զորահավաքային և թիկունքային աշխատանքներին

Սկիզբը՝ էջ 5

Մինչև Հայրենական մեծ պատերազմը համալսարանի շրջանավարտ բազմաթիվ մասնագետներ՝ ինժեներներ, մեխանիկներ, երկրաբաններ, քիմիկոսներ, ֆիզիկոսներ ու մաթեմատիկոսներ, ներգրավվել էին խորհրդային շինարարության բնագավառում՝ հասնելով լուրջ հաջողությունների։ Նրանք ակտիվորեն շարունակեցին իրենց գործը նաև Հայրենական մեծ պատերազմի տարիներին։ Համալսարանն անգնահատելի աշխատանք կատարեց նաև հայրենական զիտության զարգացման ուղղությամբ։ Պատերազմի նախօրյակին համալսարանի ամբիոններում ու լաբորատորիաներում մշակվեցին բազմաթիվ գիտակրթական հիմնախնդիրներ, կատարվեցին արժեքավոր հայտնագործություններ, որոնք ներդրվեցին հանրապետության ժողովրդական տնտեսության մեջ։ Համալսարանի քիմիական, ֆիզիկամաթեմատիկական, երկրագործական ֆակուլտետների ամբիոնները մշտական կապի մեջ են եղել հանրապետության արդյունաբերական ձեռնարկությունների կոլեկտիվների հետ և օգնել նրանց արտադրական գործընթացների տեխնիկական հագեցվածությունը բարձրացնելու, ժողովրդական տնտեսության ձեռնարկների ճշգրիտ հաշվարկներ կատարելու և արտադրական առօրյայում բազմաթիվ խնդիրներ լուծելու հարցերում։ Համալսարանի հայագիտական ամբիոնները գիտական խոր ուսումնասիրություններ կատարեցին հայ ժողովրդի պատմության, լեզվի և գրականության բնագավառներում։

Համալսարանի բազմաթիվ սաներ դարձան հանրապետության տնտեսական, քաղաքական ու մշակութային կյանքի զարգացման գործի կազմակերպիչներ, կուսակցական ու պետական ղեկավար աշխատողներ, իսկ նրա մեծ կոլեկտիվի անդամները՝ հանրապետության հասարակական կյանքի վերափոխման ակտիվ մասնակիցներ։



Երեւանի պետական համալսարանը հանրապետության հասարակական, քաղաքական ու տնտեսական կյանքի զարգացման գործում իր ակտիվ գործունեությունը շարունակեց նաև Հայրենական մեծ պատերազմի ժամանակ, երբ հայ ժողովուրդը ԽՍՀՄ մյուս ժողովուրդների հետ կենաց ու մահու պայքարի ելավ ֆաշիզմի դեմ։

Պատերազմի առաջին իսկ ամիսներից ռազմաճակատներում մարտական գործողությունների ընթացքում անբաժանաժամ եղավ կարմիր բանակի համար։ Չնայած պաշտպանական հերոսական մարտերին և բազում սխրանքներին՝ 1941 թ. հուլիսին խորհրդային զորքերը հարկադրված թողեցին Լատվիան, Լիտվան, Բելառուսիան և Ուկրաինայի մեծ մասը։ Ստեղծված դժվարին իրավիճակից դուրս գալու համար անհրաժեշտ էր ամբողջ երկիրը մեկ մարտական ճամբարի վերածել կենտրոնացնելով բոլոր միջոցները։

«Ամեն ինչ ռազմաճակատի համար» նշանաբանով բանվորությունը թիկունքում կենտրոնացրեց աշխատանքային ողջ ներուժը՝ արդյունաբերությունը պատերազմի ժամանակաշրջանին համապատասխան վերակառուցելու համար։ Գյուղացիությունը հայրենասիրական աշխատանք ծավալեց՝ գյուղատնտեսական մթերքների արտադրությունն ընդարձակելու համար։ Մտավորականությունը ջանքեր գործադրեց գիտական

նորարարություններ կատարելու և դրանք ժողովրդական տնտեսության մեջ ներդնելու ուղղությամբ։

1941 թ. հուլիսից ԽՍՀՄ բոլոր ազգային հանրապետություններում հայրենասիրական մեծ շարժում սկսվեց։ Բանվորները, կոլտնտեսականներն ու մտավորականները, ամենուրեք հայրենիքի նկատմամբ ջերմ սիրով տոգորված, իրենց վճռական պատրաստակամությունը հայտնեցին՝ այն թշնամուց պաշտպանելու համար։ Հարյուր հազարավոր կամավորներ համալրեցին աշխարհագրորդ շարքերը։ Միայն Մոսկվայի աշխարհագրում հաշվվում էին 100 հազար, Լենինգրադի աշխարհագրում՝ 160 հազար բանվոր ու ծառայող (տես Փ. Ենգոյան, *Երեւանի համալսարանը Մեծ հայրենական տարիներին*, էջ 8)։

Մոսկվացիների ու լենինգրադցիների օրինակով պատերազմի առաջին իսկ օրերից կամավոր կարմիր բանակ մեկնեցին և աշխարհագր մտան նաև Հայաստանի հազարավոր բանվորներ, կոլտնտեսականներ, մտավորականներ, բարձրագույն ուսումնական հաստատություններում սովորող երիտասարդներ, կանայք ու աղջիկներ։

Պաշտպանության պետական կոմիտեի հրամանով 1941 թ. հուլիս-օգոստոս ամիսներին Հայաստանի տարածքում հանրապետության ուժերով ձեւավորվեց հայկական երեք դիվիզիա։ Այդ դիվիզիաներում ղեկավար աշխատանքի մշակակվեցին կուսակցական և կոմերիտական հարյուրավոր պատասխանատու աշխատողներ։ Պատերազմի առաջին երեք ամիսների ընթացքում դեսանտային զորամասերում ծառայելու համար հավաքագրվեցին ավելի քան 500 կամավոր ու 1400 կոմերիտական։ Երեւանի Կիրովյան շրջանից, որտեղ զինվորական հաշվառման մեջ էր գտնվում ուսանող երիտասարդությունը, տարբեր ժամանակներում ռազմաճակատ մեկնեցին 2000 կոմերիտական, Լենինական քաղաքից (Գյումրի)՝ կոմերիտականների երկու երրորդը, Կիրովականից (Վանաձոր)՝ կեսից ավելին (տես ՀԱՍ, ֆ. 1, ց. 1, գ. 3, ք. 1)։

Պատերազմի առաջին իսկ օրերից հայրենասիրական մեծ շարժում սկսվեց մայրաքաղաքի բարձրագույն ուսումնական հաստատություններում, այդ թվում՝ պետական համալսարանում։

«1941 թ. հունիսի 22-ի ժամը տասներկուսն էր,— գրում է պրոֆեսոր Փ. Ենգոյանը,— համալսարանի միջանցքներում ընդհանուր լուծություն էր տիրում։ Ուսանողները ֆակուլտետներին ու ամբիոններին կից կաթինետներում քննությունների էին պատրաստվում։ Հիշում եմ այսօրվա նման՝ ակադեմիկոս Մառի անվան կաթինետում պատմության ֆակուլտետի երկրորդ կուրսի ուսանողները կոմսուլտացիայի էին կանգնել։ Այն անց էր կացնում պրոֆեսոր Վահան Ռշտունին, երբ մենք կլանված լւում էինք նրան, լացակուսած ներս եկավ կաթինետի վարիչ Աստղիկ Խոնդկարյանը և հայտնեց, որ գիշերը ֆաշիստները ռմբակոծել են մեր քաղաքներն ու գյուղերը։ Այս լուրի ազդեցության տակ բոլորս ոտքի կանգնեցինք և սպասեցինք պրոֆեսորի խոսքին։ Նա, իր բնավորության համաձայն, հանգիստ դիմեց մեզ. «Ես բազմիցս անգամ լսել եմ ձեզանից ու ձեր ընկերներին, որ եթե հարկ լինի, դուք ձեր գրիչները կփոխարինեք զենքով և կպաշտպանեք սոցիալիստական հայրենիքը։ Հասել է ժամը,— ասաց նա,— որ գործի վերածեք ձեր խոստումները»։ Նրա պարտավորեցնող խոսքից հետո դուրս եկանք միջանցք։ Մեկ-երկու րոպե անց անսովոր արագությամբ ուսանողները դուրս եկան նաև մյուս կաթինետներից։ Ուսանողների հավաքը միջանցքում սովորականի նման չէր։ Միմյանց նայելիս անմիջապես զգում էինք, որ բոլորս էլ փոխվել ենք, լրջացել, զգաստացել։ Նույն օրը համալսարանի մեծ դահլիճում տեղի ունեցավ միտինգ։ Դահլիճում հավաքվածներին հաղորդում արվեց ֆաշիստական

Գերմանիայի ուխտադրու հարձակման, սահմանները շրջաններում ֆաշիստների կատարած առաջին բարբարոսությունների, մեր քաղաքների ու գյուղերի ռմբակոծությունների մասին, մեր խնդիրների ու հետագա անելիքների մասին։ Հուլիսից էր, երբ կոլեկտիվ

անդամները՝ ուսանող թե դասախոս, հերթով մոտենալով ամբիոնին, հայրենասիրական ճառերով ու կոչերով հավաստիացրին կուսակցությանն ու կառավարությանը, որ արյան գնով կպաշտպանեն խորհրդային հայրենիքը, սոցիալիզմի նվաճումները, որոնց վրա ձեռք է բարձրացրել անարգ թշնամին։ Առանձնապես տպավորիչ էին պատմաբան-դասախոսներ Ներսես Պողոսյանի, Սերոբ Պողոսյանի, Համո Հարությունյանի, համալսարանի ռեկտոր Գարեգին Պետրոսյանի, կուսկոմիտեի քարտուղար Դավիթ Դավթյանի և ԼԿԵՄ կոմիտեի քարտուղար Պետիկ Փիրումյանի ելույթները։ Նրանք կոչ արեցին պաշտպանելու հայրենիքը այնպես, ինչպես պաշտպանել են մեր նախնիները դեռևս շատ դարեր ու տարիներ առաջ գերմանական օրդենների, շվեդների, մոնղոլ-թաթարների, սելջուկների, արաբների, պարսկական խաների ու թուրքական փաշաների արշավանքների ժամանակ» (Փ. Ենգոյան, *Երեւանի համալսարանը Մեծ հայրենական տարիներին*, էջ 9–10)։

Շարունակելով իր խոսքը՝ Փ. Ենգոյանը հիշում է. «Դիմելով ուսանող երիտասարդությանը՝ պատմության ֆակուլտետի ղեկան Ներսես Պողոսյանն ասաց. «Ձեր սրբազան պարտքն է մեզ հետ միասին պաշտպանել Հոկտեմբերյան հեղափոխության նվաճումները, սոցիալիզմ կառուցող ավագ սերնդի աշխատանքի ու պայքարի արդյունքները։ Հիշեք պատմության տված դասերը այն մասին, որ զաղուսագողի հարձակվող թշնամին ավելի նեղ է ու կատաղի» (նույն տեղում, էջ 10)։

Հունիսի 23-ին համալսարանի մի խումբ ուսանող երիտասարդներ, այդ թվում՝ աղջիկներ, գնացել են զինվորական կոմիսարիատ և հարցում արել, թե երբ կարող են մեկնել կարմիր բանակ կամ կարող են ցուցակագրվել կամավորական ջոկատներում։ Մեկ օր անց պատմության, երկրաբանական, իրավաբանական ֆակուլտետների ուսանողներից բաղկացած մի խումբ ներկայացել է զինկոմիսարիատ և խնդրել զինվում զնդապետ Բիլբուլյանին իրենց ժամանակից շուտ ուղարկել բանակ։ Կոմիսարը հատուկ գրությամբ շնորհակալություն է հայտնել համալսարանի ռեկտոր Գարեգին Պետրոսյանին ուսանողների կողմից ցուցաբերած հայրենասիրության համար և խնդրել է բացատրել նրանց, որ բանակ զորակոչելու հարցը կորոշի կոմիսարիատը՝ ըստ անհրաժեշտության (տես նույն տեղում, էջ 11)։

«Արձակուրդը սկսվել էր,— գրում է Փ. Ենգոյանը,— բայց ուսանողները դեռ չէին ուզում մեկնել իրենց ծննդավայրերը։ Հուլիսի սկզբին նրանց ներկայացրեցին եղան կուսակցական կոմիտեում և խնդրեցին զինվորական կոմիսարիատի միջոցով արտահերթ զորահավաք կազմակերպել և իրենց ուղարկել գործող բանակ։ Կուսակցական կոմիտեն այդ առթիվ ստացավ շրջանային կոմիսարի համաձայնությունը, և համալսարանի ուսանողական առաջին կամավորական խումբը մայրաքաղաքի մյուս հայրենասերների հետ միասին մեկնեց կարմիր բանակ» (նույն տեղում)։

1941 թ. հուլիսի 11-ը համալսարանի ուսա-

նողների համար նշանավոր օր դարձավ։ Այդ օրը նրանք Երեւանի երկաթուղային կայանում հայ ժողովրդի հարյուրավոր այլ գավակների հետ բանակ ուղարկեցին իրենց ընկերներին, նրանց թվում՝ Պարույր Առաքելյանին, Դրաստամատ Ավագյանին, Մխիթար Մկրտչյանին, Վահրամ Պետրոսյանին, Հրաչիկ Պառապետյանին, Վիկտոր Սարգսյանին, Վոլոդյա Սարգսյանին, Միշա Երիցյանին, Գարուշ Մնացականյանին, Գագիկ Մովսիսյանին, Բագրատ Նալբանդյանին (*նույն տեղում*)։

Մեկնելուց առաջ պատմության ֆակուլտետի ուսանողներ Դրաստամատ Ավագյանը և Բարդուխ Գեորգյանը, որոնք մինչ այդ ծառայել էին բանակում, իրենց ուսանող ընկերներին դիմեցին հետեյալ խոսքով. «Ինչպես տեսնում եք, մենք արդեն զինվորագրվեցինք կարմիր բանակին։ Հեռանալով ձեզանից՝ մենք ցանկանում ենք, որ հաղթանակը թշնամու դեմ տանենք առանց ձեզ, իսկ դուք ծառայեք հայրենիքին խաղաղ աշխատանքով» (*նույն տեղում*, 11–12)։

Հաջորդ օրը՝ հուլիսի 12-ին, համալսարանում հրավիրվեց ուսանողական հավաք, որտեղ քննարկվում էր բերքահավաքի ժամանակ գյուղի աշխատավորությանն օգնելու հարցը։ Հավաքում որոշում ընդունվեց մեկնել գյուղական շրջանները՝ ըստ բնակավայրերի, և փոխարինել բանակ մեկնած կոլտնտեսականներին։ Մի քանի օրվա ընթացքում ուսանողները մեկնեցին հանրապետության կոլտնտեսություններն ու սովխոզները։

1941 թ. ամառային արձակուրդները սովորականի նման չանցան։ Գրեթե նույն լարվածությամբ ամառային ամիսներին շարունակեցին աշխատել համալսարանի կուսակցական և վարչական անձնակազմը, ԼԿԵՄ և արիմիտեմական կոմիտեները։ Համալսարանի կուսակցական և կոմերիտական ակտիվիստները քաղաքից բացակայում էին միայն շրջանային կոմիտեի թույլտվությամբ, իսկ ամբիոնի վարիչները, ղեկաններն ու ռեկտորատի աշխատողները՝ ռեկտորատի թույլտվությամբ։

Շարունակելի

Էդիկ ՄԻՆԱՍՅԱՆ
Պատմական գիտ. դոկտոր, պրոֆեսոր

ՔՐԻՍՏՈՆՅԱՐԱՆ ԳԵՂԱՐՈՒՄ

Կրոնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան»
թերթի խմբագրություն

Գլխավոր խմբագիր՝
Աստղիկ Ստամբուլյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝ gristhay@etchmiadzin.am
astghikstam@gmail.com

web կայք՝
krishayas.wordpress.com
Ստոր. տպագր. 28.08.2020 թ.

Տպաքանակը՝ 1175